



景岳全書卷之四十五列集

痘疹論

會稽 張介賓 會卿著

會稽 魯 超 謙菴訂

痘瘡下

總論吐瀉四

凡痘疹吐瀉有不必治者有當速治者如初熱時即見吐瀉但欲其不甚而隨止者言蓋吐利中自有疎通之意邪氣賴以宣泄不必治也其有吐利之甚者則不得不治又有元氣本弱而見此證者使不速為調補必致脾氣困憊則痘出之後虛證叠見而救無及矣此痘前之吐利其當治不必治自有輕重之分也若見點之後則吐瀉大非所宜速當察其寒熱

虛實向調治之

一痘瘡吐瀉雖曰多屬脾經然亦有三焦五臟之辨蓋病在上

焦但吐而不利病在下焦利而不吐病在中焦則上吐下

利故在上焦者當辨心肺之脾氣在下焦者當察肝腎之脾

氣此五臟之氣各有相滋相制之機設不明此鮮不誤矣

一痘瘡吐瀉大都中氣虛寒者上居七八然亦有邪實毒盛及

飲食過傷而為吐瀉者此宜詳審脈證自有可辨若果有熱

毒實邪則不可誤認虛寒輕用溫補恐反助邪以致餘毒癰

腫或為潰爛難收等語

嘔吐 四二

痘瘡嘔吐大都虛寒者多實熱者少但當以溫養脾胃為主即

或有兼雜證者亦必有實邪可據方可因病而兼治之故不

得輕用寒涼及消耗等藥

一凡嘔吐之病病在上中二焦也切不可妄用下藥致犯下焦元氣則必及甚而危矣卽或有大便不通者亦當調補胃氣從緩利導但待脾胃氣和則升降調而便自達此不可不知也

一痘瘡別無風寒食滯脹滿疼痛等證而爲嘔吐或乾嘔惡心者必脾胃虛寒也宜六味異功煎五君子煎參薑飲之類主之或溫胃飲理中湯皆可酌用

一脾胃氣微寒微嘔而中焦不寒者宜五味異功散

一胃口虛寒嘔吐而兼有痛滯者六味異功煎送神香散或調中湯亦佳

一脾胃虛寒吐瀉並行者溫胃飲甚者陳氏十二味異功散

一脾胃虛寒命門不煖而爲此瀉者必飲食不化水穀不分而下腹多痛非胃關煎或理陰煎不可

一凡寒氣犯胃腹脹腹痛而爲嘔吐者神香散益黃散或加炮薑若因飲水或食生冷瓜果而作嘔吐者五苓散加炮薑  
一飲食過傷停滯胃口胸膈脹滿而爲嘔吐者宜和胃飲或大和申飲或神香散

一痰飲停蓄胸膈而脹滿嘔吐者宜二陳湯或橘皮湯加炮薑  
一三焦火閉煩熱壅滯胃口而爲嘔吐者此必陽明火證也宜橘皮湯加黃連甚者再加石膏或用竹葉石膏湯但此證其少勿以虛火作實火也

程氏曰凡痘瘡嘔吐之證須辨冷熱熱吐者宜六君子湯加薑汁炒苓連冷吐者宜六君子湯加丁香藿香白豆蔻  
一痘瘡嘔吐不已聲濁而長或乾噦者最是瘡家惡候

泄瀉 四三

一滯首尾皆忌泄瀉而後爲尤甚惟初熱時有隨瀉而隨止者

爲古者自見點之後以至收厲毒氣俱已在表俱要元氣以  
克大便秘實庶能托載收成若畧泄瀉則中氣虛弱變患百  
出矣若初出之後而見泄瀉則必難起難灌既起之後而見  
泄瀉一瀉則漿停瀉止則漿滿既灌之後而見泄瀉則倒陷  
倒陷內潰內敗等證無所不至此實性命所關最可畏也今  
多見妄藥誤治敗人脾氣以致莫救者猶云欲去其毒瀉瀉  
無害欺耶昧耶庸莫甚矣

凡治痘疹泄瀉只在辨其寒熱熱者必濕滯之有餘寒者必元  
陽之不足但十瀉九虛而畏熱者極少故凡見泄瀉嘔吐腹  
痛而別無證熱等證者無論痘前痘後俱速宜溫救脾腎此  
大要也當詳察之若失其真誤治則死

一虛寒泄瀉凡證無大熱口不喜冷脈不洪數腹無熱脹胸無  
煩躁飲食減少而忽然自利者則悉屬虛寒切不可妄用寒

涼之劑再傷脾土必致不救宜溫胃飲養中煎五君子煎或  
理中湯四君子湯之類隨宜用之○若腹有微滯微脹而爲  
泄瀉者宜六味異功煎或五味異功散加砂仁○若泄瀉兼  
嘔兼痛而氣有不順者宜養中煎加丁香木香或四君子湯  
合二仙散○若泄瀉而山根唇口微見青色或口鼻微寒手  
足不熱指尖微冷瀉色淡黃或兼青白唾或露睛此皆脾腎  
虛寒之證非速救命門終不見效宜胃關煎理陰煎主之或  
陳氏十二味異功散亦可○若泄瀉勢甚用溫脾之藥不效  
者則必用胃關煎或理陰煎之類主之○若久瀉滑脫不能  
止者宜胃關煎溫胃飲或陳氏十二味異功散送五德丸或  
肉豆蔻丸○若胃本不虛但以寒濕傷脾或飲水而爲泄瀉  
者宜佐關煎抑扶煎或益黃散加猪苓澤瀉或五苓散俱佳  
蓄熱泄瀉本不多見而間亦有之然必有熱證可據方可用

清利之藥如脉見洪數身有大熱口有大渴喜冷惡熱煩躁  
多汗或中滿氣粗或痘色掀腫紅紫或口鼻熱赤小水澀痛  
之類皆熱證也且熱瀉者必暴而甚寒瀉者必徐而緩皆可  
辨之然治熱之法當察火之微甚勿使藥過於病恐致傷脾  
則必反爲害○凡濕熱內蓄小水不利微熱不甚而爲泄瀉  
者宜五苓散○四苓散或小分清飲之類加木通主之○若濕  
熱稍甚清濁不分而泄瀉者宜四苓散加薑炒黃連或合黃  
芩湯治之○若食多脉盛氣壯而泄瀉者當從熱治宜黃芩  
湯加黃連○若熱在下焦小水赤澀而泄瀉者宜大分清飲  
或合益元散○若濕熱在脾泄瀉內熱而兼腹痛者宜香連  
丸○若頰赤身熱頭痛咽疼口瘡煩躁而泄瀉者陽明火證  
也宜瀉黃散○若濕熱在脾瀉而兼嘔者黃芩湯加半夏生  
薑或御藥大半夏湯加黃芩○若內熱泄瀉而兼氣虛者四



君子湯加芍藥黃連木香

一發渴乃泄瀉之常候蓋水泄於下則津涸於上故凡患泄瀉者必多口乾口渴但乾與渴不同渴者欲飲乾者不欲飲渴屬陽而乾屬陰此其辨也然有渴欲飲水者此火證也有渴欲飲湯者此非火也有雖欲飲水而不能多者有口雖欲涼而胸腹畏寒者此皆非火證也然則病渴者尚有陰陽之辨而矧夫但乾而不渴者此實以水虧而然若作火治鮮不為害故凡有久瀉津亡而作渴者當審其非熱而不可不壯其水也

韋氏曰泄瀉須分寒熱寒者小便清宜埋中湯或參苓白朮散然白朮茯苓非泄瀉發泡者不宜用以其滲利故也○按此說可見治痘者即濇利亦忌顧可妄為消伐以損其氣血津液乎

陳氏曰凡瀉頻津耗則血氣不榮瘡雖起發亦難收靨如身溫  
腹脹氣促咬牙煩燥譫妄者皆難治緣穀食去多津液枯竭  
故多死也速宜與十一味木香散或十二味異功散

萬氏曰瘡未出而利者邪併於內裏實也宜從清毒瘡已出而  
利者邪達於表裏虛也宜治其虛凡痘瘡所忌惟內虛泄瀉  
若溫之固之而不愈者此不治之證

### 寒戰咬牙四四

寒戰者陽中之氣虛也陽氣虛則陰乘之陽不勝陰故寒慄而  
戰也咬牙者陰中之氣虛也陰氣虛者腎元憊骨氣消索故  
切齒而鳴也總之虛在氣分則無非陰盛陽虛之病耳非大  
加溫補不可也

心鑑云七日前見寒戰者表虛也咬牙者內虛也七日後見寒  
戰者氣虛極也咬牙者血虛極也氣虛者保元湯倍加肉桂

以溫陽分血虛者保元湯加芎歸以益陰分○余常用六氣煎或六物煎加桂附治之無不應手而止其有獨寒戰獨咬牙者亦一體治之或合二仙散用之亦妙

一有寒邪在表身體大熱脈緊數無汗邪正相爭而爲戰慄者此卽似瘧之類但散其邪而戰自止宜柴葛桂枝湯之類主之

一痘瘡灰白潰爛泄瀉而寒戰咬牙者此純陰無陽之證宜九味異功煎或陳氏十二味異功散亦可

一痘色乾紫黑陷大小便不通煩躁大渴而寒戰咬牙者此純陽無陰火極似水之證也宜雙解散

一養漿結靨之時有紅紫掀腫大小便秘煩渴喜水者乃表裏俱熱之證以瘡痛而振搖忍痛而咬牙也此非寒戰咬牙之屬如熱甚而便秘者宜四順清涼飲加連翹木通金銀花之

類土之

一筋惕肉瞤似戰者以經絡血氣爲瘡所耗不能榮養肌肉主  
持筋脉故惕惕然肌肉自跳瞤瞤然肌肉自動本非寒戰之  
證也宜十全大補湯之類主之

陳氏曰咬牙者齒槁也乃血氣不榮不可妄作熱治

寒戰咬牙而氣喘譫妄悶亂足冷者非倒陷卽倒靨也不治

煩躁四五

煩者擾擾而煩躁者煩劇而躁合言之則煩躁皆熱也分言之  
則煩在陽分躁在陰分煩淺而躁深也難知集曰火入於肺  
煩也火入於腎躁也痘疹煩躁大非所宜若吐利厥逆腹脹  
喘促譫妄狂亂昏不知人而煩躁者謂之悶亂乃不治之證  
一痘瘡以安靜爲貴若忽然煩躁多哭切須詳審其故如別無  
逆證而忽然若此是必瘡有痛而然待膿成則痛止而煩亦

止矣不必治之其或飲食寒熱偶有所因而致然者但當隨證調理之則無不即安者

痘瘡煩躁兼喘者火毒在肺也宜人參白虎湯加梔子仁煩躁多驚者火在心經也宜導赤散加梔子麥門冬或七味

### 安神丸

痘毒未透熱伏於內而煩躁者宜六味消毒飲或兼萬氏奪命丹

熱甚於內而煩渴熱躁者宜導赤散或玄參地黃湯加木通麥門冬或萬氏牛黃清心丸或四味消毒飲

邪毒未解熱甚於表而煩躁者宜柴胡麥門冬散或羌活湯痘瘡紅紫乾躁壯熱口渴謔妄者退火丹或萬氏牛黃清心丸或用良方犀角地黃湯

陰虛假熱自利煩躁者用腎水虧也輕則五陰煎甚則九味

異功煎或陳氏十二味異功散

一吐利不食而煩躁者脾胃氣虛也輕則保元湯溫胃飲甚則九味異功煎或陳氏十二味異功散

一瘡密膿成營血虧耗心煩不得眠者宜三陰煎加麥門冬如有微火者宜酸棗仁湯

一晝則煩躁夜則安靜此陽邪盛於陽分也宜人參白虎湯或加梔子如晝則安靜夜則煩躁者此陰中之陽虛也宜三陰煎如有火邪亦可加梔子仁

一大便乾結不通而煩躁腹脹者四順清涼飲當歸丸甚則承氣湯若大便秘結痘瘡陷伏而煩躁者百祥丸或承氣湯

喘急四六

喘有氣促不同喘者氣粗而壅壅而急喘爲肺邪有餘也促者氣促而短上下不相接續促爲肺腎不足也此二者一實一

虛反如冰炭若或誤治無不死也當詳辨之

一寒邪在肺作喘者此外感之證必欬嗽多痰或鼻塞或身有微熱或胸滿不清治當疎散肺邪宜六安煎或二陳湯加蘇葉主之若寒邪外閉之甚者仍宜加麻黃北細辛之類○若兼氣血不足而風寒在肺作喘者惟金水六君煎爲最

一痰因火動而爲喘急者當以清痰降火爲主若痰涎上壅者先治其痰宜抱龍丸清膈煎之類主之○若火上刑肺肺熱葉舉大熱大喘者宜人參石膏湯○若微熱作渴肺燥液衰而喘者宜人參麥門冬散○若夏月熱甚火犯肺金而喘者仲景竹葉石膏湯或六味竹葉石膏湯○若火伏三焦肺胃大腸俱熱胸腹脹大便秘結而喘者前胡枳殼湯

一喘以氣虛者人多不能知之凡下瀉而上喘者必虛喘也凡小兒喘息覺在鼻尖而氣不長者必虛喘也此實氣促原非

氣喘若見此證急須速補脾肺或救腎陰輕則參薑飲六錢煎甚則六味回陽飲○若下爲泄瀉而上爲喘促者急用六味回陽飲或九味異功煎不可疑也○若大便不瀉而或爲多汗或爲腹膨或見痰飲狂躁但以陰虛水虧氣短似喘而脈氣無神者急宜貞元飲加人參煨薑之類主之○若治喘促用清痰降火等劑而愈甚者此必虛證也速宜改用溫補如前諸法猶有可救遲則恐無及矣

一痘疹發喘乃惡候也若利止喘定者生其有瀉利不止或加脹滿或爲狂躁或痘毒入肺口張息肩目閉足冷而喘甚者皆不治之證

聲音 四六

痘瘡最要聲音清亮若卒有失音凶兆也先哲云瘡已出而聲不變者形病也其病輕瘡未出而聲先變者氣病也其病甚



瘡出而聲不出者形氣俱病也凡此失音之證大爲痘瘡成  
忌然亦有吉有凶須當詳辨治之

一風寒外襲皮毛壅閉肺竅或致欬嗽而偶爲失音者此惟外  
感之證宜解散之以加減參蘓飲或六安煎加薄荷桔梗主  
之或待風寒解散其聲自出此固無足慮也

一火邪上炎肺金受制氣道壅閉而聲不出者宜導赤散合甘  
桔湯加炒牛蒡子主之或用甘桔清金散

一上焦陽虛而聲音低小不出者此心肺不足之病蓋心主血  
肺主氣痘瘡稠密則血氣俱損故聲不能出宜六物煎加麥  
門冬或導赤通氣散主之

一下焦陰虛而聲不出者其病在肝腎蓋腎爲聲音之根若證  
由肝腎而痘瘡稠密則精血俱爲耗竭水虧則肺涸故聲不  
能出速當滋陰益水以救其本宜大補元煎五福飲或十全

大補湯之類酌宜用之

一凡啼哭無聲而但見淚出語言無聲而但見口動者此皆毒氣歸腎而內敗也或聲啞如破如梗者此咽喉潰爛也皆難

治之證

一痘後餘毒失音其證有二○一以咽痛不能言者此毒氣不淨也宜甘桔清金散加天花粉○一以腎氣虛不能上達而聲不出者宜治如前或用四物湯加麥門冬白茯苓

驚搐四八

驚者忽然驚惕而手足搐搦口眼歪斜每多忽作忽止其證多由風熱蓋心主火而惡熱肝主風而善動驚痘之火內生於心心移熱於肝風火相搏故發驚搐然未出之先發驚搐者多吉既出之後發驚搐者多凶何也蓋痘毒將散而豁谷開張竅理疎解因致牽引伸縮得疏散達之氣痘出而驚自止

則其內毒無留於此可見故俗名驚痘最為吉也若既出之後則中之伏火亦宜散矣倘仍見驚搐則是外毒已出而內毒猶然未盡此其毒盛莫測乃可畏也故凡發驚搐者必隨一發隨止者為吉不必治也若連發不已此毒伏於心肝二臟速宜隨證治之不得誤以為吉證

一治驚搐之法最當察其虛實酌其微甚如果有風熱實邪庶可解毒清火但得稍見清楚便當培養心脾以防虛敗之患若止見微邪則但當以調和氣血為主

一驚搐證多由風熱相搏故治宜平肝利小便蓋平肝則風去利小便則熱際風熱既平驚自愈矣若過用寒涼則氣斂而毒反陷伏痘出不透多致不救

一 心脾陽氣虛寒則神怯而易為驚搐六氣煎加棗仁硃砂  
一 心脾血虛而驚搐者七福飲養心湯

肝膽實熱大便秘結而煩躁驚

神湯

心虛睡中驚搐或兼微痰者

秘旨安神丸

心虛火盛多熱躁而驚搐者寧

神湯酸棗仁湯

痘既出其色紅紫而煩渴驚搐

者良方犀角地黄湯口若煩

熱之甚而大便乾澁者多由陽

明之火人參石膏湯加硃砂

心火獨盛而煩熱驚搐者硃砂

安神丸或七味安神丸

心火盛小水不利而驚搐者道

赤散加黃連硃砂或合硃砂

益元散

痰涎壅盛氣急胸滿而驚搐者

抱龍丸清膈煎或梅花飲琥

珀散此宜暫用以開痰涎但得

痰氣稍清即當酌虛實以調

理血氣

肝膽實熱大便秘結而煩躁驚

搐者瀉青丸或七味龍胆湯

肝湯

一血熱見血而驚搐者局方犀角 地黃湯○熱甚者良方犀

地黃湯○若熱甚而大便結秘 者拔萃犀角地黃湯

一風寒外感心脾陽虛而微熱不 退或欬嗽惡寒而驚搐者惺

惺散○若虛在陰分汗不能出 身熱不退而驚搐者柴歸飲

○若外有風邪內有熱邪表裏 俱熱而驚搐者生犀散

一風寒外感身熱無汗但有表邪 別無虛證而驚搐者敗毒散

或蘓葛湯寒邪閉甚者紅綿散 然此皆表散之劑若兼虛邪

不得單用此類

昏睡 四九

凡痘瘡將出未出而猝然昏睡者 其痘必重當察其脉證虛實

預為治之若痘後喜睡此毒氣 已解元氣將復故邪退而神

安乃否極泰來之象不須服藥 妄治如見寂然氣虛但以調

元湯保元湯六物煎之煩察其 寒熱漸以調之自然平復不

可妄行消耗致傷其神及必害矣

腰痛 五十

經曰腰者腎之腑又曰太陽所至爲腰痛蓋足太陽之脉夾春絡腎而痘瘡之毒多出於腎循足太陽膀胱散行諸經乃邪之由裏傳表也如初見熱而腰卽痛或日以漸甚者此邪由膀胱直入於腎而毒有不能達也急宜解毒以泄少陰之邪以通太陽之經務令邪氣不得深入則痘雖稠密亦可愈也若不速治則邪必日陷而表裏俱甚營衛之脉不行臟腑之氣皆絕或爲痒癩或爲黑陷終莫能救矣

一凡痘毒自陰傳陽自裏傳外者爲順自上傳下自外傳裏者爲逆若毒由太陽傳入少陰則毒陷而不升伏於骨髓之中不能外達所以腰痛大凡瘡疹之毒歸腎則死故但見腰痛急宜治療若毒陷不起卽宜發散解毒令其復出太陽而達

乎陽道斯無害也宜人參敗毒散或五積散主之若腎氣虛陷不能傳送外達者必用理陰煎加細辛官桂杜仲獨活之類主之

一治發熱便見腰痛者以熱麻油按痛處揉之可止仍急服前藥之類如小水不利者宜五苓散如火毒內盛而小水不利者宜四苓散加梔子木通

腹痛 五一

治腹痛證當以可按拒按及宜飽宜飢辨其虛實不得謂痛無補法而悉行消伐也又當因脈因證辨其寒熱不得妄用寒涼也大都寒滯者十居八九熱鬱者間或有之若虛不知補而寒因寒用則害莫甚矣

一初見發熱痘瘡未出別無寒滯食滯而腹滿腹痛者此必起發不透痘毒內攻而然宜解表疎裏以化毒湯加紫蘆厚朴

之類主之或五積散加木香亦可○若大便不通腹脹而作痛者桂枝大黃湯酌宜用之

一寒氣犯胃或食生冷而嘔惡吐瀉腹無脹滿而但有疼痛者溫胃飲理中湯加肉桂木香或小建中湯隨宜用之○若胃氣虛寒作痛而喜按者黃芪建中湯

一寒犯中焦氣滯作脹而腹痛或泄瀉者和胃飲或抑扶煎加丁香木香或陳氏牛一味木香散

一脾腎虛寒下腹作痛瀉利不止者胃關煎

一誤飲冷水涼茶寒濕留中小水不利而腹痛者五苓散或加木香或用小建中湯

飲食停滯中滿作痛者大小和中飲或保和丸加木香砂仁若大便不通而痛甚者赤金豆或承氣湯利之

一發熱二三日後大便不通燥糞留滯而腹痛者當歸丸或用



猪膽導法

濕熱下利煩熱大渴小水熱澀而腹痛者大小分清飲或黃芩湯加木香青皮砂仁

火毒內攻譫妄狂亂而煩熱腹痛者退火丹或硃砂元元散

腹脹五二

瘧瘡腹脹之證其要有二一以脾胃受傷一以邪氣陷伏蓋瘧瘡將發毒由內生其證無不發熱或見微渴此其常也當此之時只宜溫平和解或兼托散無抑遏無窮追無殘及元氣惟貴輕揚善導但令毒透肌表則苗秀而實無不善矣設不知此而見熱卽退熱見毒卽攻毒則未有妄用寒涼而不傷胃氣者未有但知攻毒而不傷元氣者胃氣傷則運行無力而脾寒所以作脹元氣傷則托送無力而毒陷所以作脹雖作脹之由猶不止此然惟此最多而人多不能察也諸未盡

者俱詳如左

一誤服涼藥或過食生冷而作脹者其人必不能食或大小便利或腹中雷鳴此皆脾胃中寒之證速宜溫中以疎逐冷氣冷氣散則脹自消矣宜益黃散加薑製厚朴或人參胃愛散加乾薑○若胃寒兼虛瘡白神倦或氣促發厥者惟溫胃飲及陳氏十一味木香散俱爲要藥○若寒在脾胃下焦不化而作脹者非理陰煎不可

一中氣本虛或過用消伐以致元氣無力不能托送痘毒而陷伏作脹者宜十宣散或合二妙散或神香散

一痘毒陷伏於裏者必有熱證相襍如煩躁乾渴大小便秘而作脹者此只宜溫平快氣兼托之劑當用紫草飲子

一寒邪外閉肌腠身熱無汗或氣喘鼻塞則痘毒不能外達而陷伏腹脹者宜五積散或加減參蘓飲

一飲食過傷偶爲停滯而腹脹者此不過一時之滯食去則脹消宜大和中飲或合一妙散神香散

一腹脹而目閉口中如爛肉臭或大便泄瀉或利膿血者皆不治

厥逆 五三

厥逆者四肢不溫或甚至於冷也四肢爲諸陽之本故常宜和煖若至厥逆則其陽虛可知如指尖微寒者亦陽氣衰也足心冷者乃陰邪勝也其有瘡頭焦黑煩渴悶頭大便熱結而厥逆者此陽毒內陷火極似水所謂熱深厥亦深也又有瘡本灰白大便不結而厥逆者此元氣虛憊陽衰而寒也凡瘡疹之候頭常欲涼足常欲溫若頭溫足冷者多不治故厥逆爲瘡家惡候

一痘疹十指微寒者卽宜五君子煎六氣煎或六物煎加薑桂

溫之以防虛寒之變

一痘疹瀉利氣虛而逆者胃關煎或陳氏十二味異功散

一痘瘡始出手足便冷或其人先有吐利致傷脾胃脾胃氣虛則爲厥逆宜六氣煎六物煎加薑桂主之甚者人參附子理

陰煎

一痘瘡起脹之時手足厥逆此陽氣欲絕之候必其自利或嘔吐脉見沉細微弱或浮大而虛速宜溫補元陽輕則六氣煎加肉桂甚則六味回陽飲或九味異功煎服藥後手足和煖者生厥不止者死

一熱毒內甚而厥者必有煩熱便秘脹滿脉滑等證宜四順清涼飲或承氣湯

痘後厥逆者此其氣血已虛脾胃已困無怪其有厥也宜保元湯或六氣煎六物煎加附桂之類主之

發渴五十四

痘疹發渴者裏熱也以火起於內銷燬真陰所以發渴又其津液外泄化爲膿漿則營氣虛耗亦以致渴此痘瘡之常候也若微渴不甚不必治之惟大渴者乃由火盛然亦須察其虛實以爲調理切不可因其作渴卽以西瓜梨柿之類輕以與之恐脾肺受寒致生他患也外有乾渴論在泄瀉條中所當參閱

痘瘡氣血內耗微熱微渴而喜湯者宜七味白朮散或五福飲加麥門冬五味子

一脾肺多熱渴而喜冷者宜人參麥門冬散或生脈散

一痘瘡多熱多躁口躁咽乾大渴引飲喜冷能食或大便乾結者此熱在肺胃二經宜人參白虎湯甚者再加黃連○若痘後熱渴者此餘火未清也其治亦然

一痘疹

利不止腎陰虧損而作渴者病作少陰速宜陳氏十

二味異功散或九味異功煎

一 大便秘結腹滿煩熱內火不清而作渴者四順清涼飲

一 痘疹發熱時便見大渴唇焦苦燥此心火太炎腎水不升故

血液枯耗也急宜解之以葛根解毒湯

程氏曰痘疹初發之源乃壬癸水也水既流出其源必竭奚不

作渴由此觀之可見治渴者必不可不滋腎水

薛氏曰凡渴欲飲水者當審其熱之虛實若屬虛熱雖欲水而

不愛飲當用七味白朮散若係實熱索水喜飲者當以犀角

磨水服其後亦無餘毒之患

失血 五五

經曰陽絡傷則外溢陰絡傷則血內溢血外溢則衄血血內溢則便血瘡疹之火由內而發毒不能達則燔灼經絡而迫血

妄行血隨火動從上而出則爲衄爲吐從下而出則爲便爲溺陰陽俱傷則上下俱出凡痘疹失血若從鼻出者則有陽明外達之意尙可望生若從他處則總屬陰分而火毒內陷乃悉爲危證

痘疹發熱見血者多屬火證若衄血者宜玄參地黃湯或加茅根汁或加京墨汁同飲之衄止者生不止者不治○溺血者大分清飲或八正散○大便秘而見血者並宜四順清涼飲

痘瘡已出未出之間凡諸血證俱宜用犀角地黃湯三方酌宜治之最佳血止後可進調元湯加水通

痘瘡十日之後忽腫血大作大便陡出者此爲胃爛不治

發泡五六

痘瘡發泡亦與黑相類雖一以外出一以外入形有不同而

邪氣留結毒

或發水疱或發血疱或赤或紫或黑但

見此證十無一 然亦有似疱而實非者不可不辨或其人  
身上原有破傷或瘡疔未痊或雖痊而癢痕尙嫩一日痘出  
則瘡癢四圍痘必叢集此物從其類之理也因瘡作疱則其  
腐敗皮肉氣色本異宜與完膚有別不得卽認爲紫黑疱也  
至若治疱之法先以針刺破吮去惡血後用胭脂汁塗法又  
用百花膏敷之○此瘡極易作痒起發之後宜常用茵陳薰  
法薰之勿令抵傷若不慎之則又覆灌爛淹延不愈變爲疔  
蝕壞瘡以致不治者多矣

潰爛五七

痘瘡膿熟或微有潰爛者亦常候也惟於未成膿之先卽有潰  
者此各班爛有當靨不靨而身多破爛不收者此各潰爛良  
由未出之先當發散而不發散則熱毒內臟必潰爛而兼喘



促悶亂或不當發散而誤發散則表虛毒濫亦致遍身潰爛此皆不善表之故也又有陽毒內熾火盛脈實便結喜冷而夫於清利以致陽明蓄熱肌肉潰爛者此不善解毒之故也故治此之法表熱者仍宜清裡火邪表虛者即宜補養營衛且脾主肌肉尤宜調脾進食務令大便秘所以生肌解毒但解毒不至於過冷調養不至於太熱必得中和方為良法

- 一 表虛不收者必其衛氣不足別無熱證宜十全大補湯之類
- 一 或去肉桂加防風荆芥穗多服自愈
- 一 火盛胃熱潰爛者宜大連翹飲之類若大便秘者以猪膽導之
- 一 痘瘡或發表太過或清解過當以致表裏俱虛陽氣不守則內為泄瀉外為潰爛急當救裏宜陳氏十二味異功散或九味異功煎

潰爛膿水淋漓者以敗草散或蕎麥散觀之若班爛作膿痛

甚者以天水散和百花膏敷之

一痘瘡衣以厚綿圍以厚被或向火偎抱或任其飲酒未七日而靨日期未足其收太急以致自面至腰潰爛平瘍不作痂者蓋此非正靨乃倒靨也急宜解去衣被勿近火勿飲酒因立一方用黃芪白芷以排膿防風蟬退以疎表青皮桔梗以和中牛旁子甘草以解毒服後潰瘡復脹則中外毒氣俱得無雷而漸可收矣

多汗 五八

痘疹自汗者以陰中之火自裏及表達於衛氣故皮膚爲之緩腠理爲之疎津液流行故多自汗但得痘疹身常潮潤實爲美證此乃陰陽氣和血脉通暢蓋熱隨汗減毒隨汗散邪不能留則易出易解雖見熱甚而汗出之後身必清涼此卽毒之消散也不必治之然只宜微汗不宜大汗若汗出過多則

陽氣泄而衛氣弱恐致難救難醫或爲痲瘍寒戰之患此則速宜固表以斂其汗也又有汗出不止其熱反甚者此邪熱在表陰爲陽擾之患速宜清火解毒陽邪退而汗自斂也若汗出如油或髮潤如洗而喘不休者此肺脫之證不可治

一別無邪熱但以衛氣虛肌表不固而多汗者調元湯倍加黃芪或白朮散

一脾虛於中衛虛於外肌肉無主別無他證而汗不斂者人參建中湯

一心氣虛神怯多驚而汗不固者團參散

一或吐或瀉氣脫於中陽脫於外而汗出不收微者五福飲加炮薑棗仁甚至手足厥冷或嘔惡不止而汗不收者速宜大參理陰煎或六味回陽飲遲則恐致不救

陰中火盛或身有大熱而汗多不收者當歸六君更湯

一睡中汗出不收者以人陰中而陰不能收也當歸六黃濕  
一陽明熱盛火邪燔灼肌肉或身熱煩渴或一二便熱澁而汗不  
收者人參白虎湯或加黃連  
一收靨痲脫之後自汗不止者此邪去而氣虛也宜十全大補  
湯或調止汗散或外以滑石粉撲之

夾疹 五九

痘瘡止宜單出若與疹並出者謂之夾疹蓋痘疹之發皆有時  
氣而二者並見其毒必甚心鑑曰夾疹者卽痘之兩感證也  
大爲不順之候若痘本稀少而夾疹者名爲麻夾痘其證則  
輕若痘本稠密而更加以疹彼此相混些碑莫辨其證則凶  
急宜以辛涼之劑解散爲先而托裏次之但得疹毒漸消痘  
見壘落者乃爲可治若痘疹相雜毒不出減者必危無疑  
一治夾疹之法先當察痘之稀密疹之微甚若疹輕熱微者但

當以痘爲主痘獲吉而疹無慮也若疹多熱甚者卽當急解  
疹毒務令疹散而後痘可保也

痘瘡初出內有細密如蠶子者卽夾疹證也若痘稀疹多者  
宜但解疹毒爲主○如表邪不解外熱甚內火不甚而夾疹  
者宜疎邪飲升麻葛根湯荆防敗毒散或十味羌活散○如  
表裏俱熱毒盛而夾疹者柴葛煎解毒防風湯或十三味羌  
活散○如內熱毒盛而夾疹者六味消毒飲或合黃連解毒  
湯○如陽明火盛多熱多渴或煩躁而夾疹者白虎湯化斑  
湯或葛根麥門冬散○以上諸治如法而疹散痘出者可治  
然後隨證調理之若疹不散毒不解者難治

痘疹俱多者毒必大盛雖治得其法疹毒已解亦必氣血重  
傷終難爲力凡遇此者惟當以保養脾胃調和氣血爲主庶  
克有濟

一收靨後復出疹者此餘毒解散之兆不必治之

### 夾班六十

痘疹夾班與夾疹不同蓋疹則細碎有形班則成片無形也凡痘瘡初出有片片紅腫如綿紋者有紅暈與地皮相平而全無興起之意者是皆夾班證也班以熱毒鬱於血分而浮於肌肉之間乃足陽明胃經所主或以寒邪陷入陽明鬱而成熱者亦致發班俱宜涼血解毒但使班退而痘見者吉否則皮膚班爛瘡易搔痒而皮嫩易破也又有赤班成塊其肉浮腫結硬者乃名丹瘤其毒尤甚瘡未成就此必先潰不可治也

治班之法大抵班在起發之前者多用表散在灌膿之後者多用解利如遍身通紅者其治亦同

一痘出夾班輕者只以升麻葛根湯加石膏玄參甚者宜人參

白虎湯合六味消毒飲

一風寒外感表邪不解而夾班者宜荆防敗毒散或加石膏玄參

一班色紫赤而大便秘結者宜四順清涼飲利之班既已退即宜用四君子之類以固其脾庶可免其內陷

程氏曰凡治夾班急宜涼血解毒以羌活散加酒炒芍藥紫草紅花蟬退木通官桂糯米連進數服班退後以保元湯加木香豆蔻煎服以解紫草之寒防其泄瀉○如痘中夾疹治亦同此如稍遲則恐變成黑班爲難治矣

一痘瘡結痂之後而見班者此餘毒煎熬血分必致潰爛宜黃連解毒湯加當歸芍藥黃芩石膏甚則大連翹飲○若熱毒薰蒸於內大便秘血臭穢而見班者此胃爛之證不可治發班潰爛者以救苦滅癩散敷之

晝夜啼哭六一

凡小兒出痘而晝夜啼哭者當辨其虛實表裏而治之其有內未得出或外未得散而啼哭者此毒氣不解之使然也有陽邪火盛紅赤掀突而啼哭者此痘盤疼痛之使然也有心腎本虛邪熱乘陰而啼哭者此或以神志不攝或以煩熱不寧之使然也有飲食不節或偶停滯而啼哭者此胃氣不和腹痛腹脹之使然也知此之由而辨得其真則內未出者表之托之外未散者解之化之火之盛者清其熱神之虛者養其陰若痘毒本微而無故啼哭者多由飲食內傷或一便秘結此或去其停滯或通其壅閉務令表裏和暢營衛通行則神竟安泰而痘無不善矣或謂啼哭非痰卽熱而不究其本則失之遠矣



凡痘疹小便欲其清而長大便秘結其潤而實則邪氣不伏正氣不病若小便利者大便必實雖二三日不更衣者無碍也若小便少則病必進小便秘則病必甚以火盛故也但初熱時大便不宜太實若二三日不行宜微潤之不然恐腸胃不通則營衛不行而瘡出轉密惟起發之後大便却宜堅實若太實而四五日不行恐熱盛難靨亦宜微利之

一痘疹小水不利而熱微者宜導赤散熱甚而小水不利者宜八正散

一痘疹發熱時大便秘結不行而內外俱熱有不得不通以疏其毒者輕則柴胡飲子甚則三黃丸再甚則承氣湯

一自起發後以至收靨凡大便不行而火不盛或虛弱不可通利者只宜用豬胆導法或以醬瓜一條如指許導之卽出切不可輕用利藥

一大小便俱不通而內熱甚者八正散或通關散酌宜用之  
一熱毒內盛而痘瘡乾黑倒陷煩躁便結者百祥丸或承氣湯  
然宜慎用毋輕易也

一痘後餘熱不盡內陷膀胱而小水不利者導赤散或五苓散  
大便不通者四順清涼飲

陳氏曰凡痘瘡四五日不大便用嫩豬脂一塊以白水煮熟切  
如豆粒與食之令臟腑滋潤亦使瘡痂易落切不可妄投宜  
泄之藥以致元氣內虛多傷兒也

薛氏曰前證若因熱毒內蘊宜用射干鼠粘子湯解之或發熱  
作渴或口舌生瘡咽喉作痛並宜用之

### 目證

目雖肝之竅而實五臟六腑之精氣皆上注於目故其赤脈屬  
心瞳子屬腎白珠屬肺黑珠屬肝裹約屬脾又太陽爲上網

陽明爲下網少陽循外眥太陽出內眥此其部分各有所主故可因證以察其本也然痘瘡之病目而爲瘡爲翳者多由火炎於內而熱以生風風熱散於諸經因多紅赤腫痛之患故治此者亦當察其所屬而因證以調之也

一戴眼證凡痘瘡灌膿之後或大汗大瀉之後多有目睛上吊或露白者謂之戴眼此精氣爲膿血汗液所耗乃太陽少陰真陰虧竭大虛之證蓋太陽爲上綱血枯則筋急所以上吊也速宜大補氣血以六物煎六氣煎或十全大補湯之類主之其有以此爲風熱而散之解之者是皆速其死也○若七口以前見此者多不治或無魂矢志不省人事者亦不治

一痘瘡目赤腫痛翳障等證無不謂之風熱故古方亦多用清火散風等劑夫痘瘡之火由中生目爲川竅用土風木而病在目故云風熱實以風生於火由內熱也所以凡治目赤目

痛者不必治風但治其火 火去則風自息矣何也蓋內生之風與外感之風不同外感之風升之散之則解散而去內生之風而再加升散則火愈熾而熱愈高矣常見治目多難救而寒涼反以傷脾者正以升降相雜而用藥有不精耳經云高者抑之果何謂乎今如古方之治火眼凡用洗肝散及洗肝明目散芍藥清肝散之類總不如良方龍胆瀉肝湯而良方瀉肝湯又不如加味龍胆瀉肝湯之為得宜也

一痘瘡眼中流淚赤痛或多 眼眇此肝火之盛也宜清解之以加味龍胆瀉肝湯或抽薪飲加木賊蟬退之類主之若大便結閉不通者亦可少加大黃

一痘瘡入眼腫痛或痘後生翳膜者宜蒺藜散蟬菊散或通神散外以秦皮散洗之

一痘瘡目病熱少風多而昏 暗澁痛眵淚羞明翳瘡者宜密蒙

花散亦以秦皮散洗之

一痘後眼閉淚出不敢見明者此內火不清而陽光爍之故畏明也宜洗肝明目散

一痘後眼皮風毒赤爛或痛或痒燥澁羞明多眵淚者秦皮散

洗之

一痘瘡靨後精血俱耗而眼澁羞明光短倦開或生翳障者宜

四物湯甚者六物煎加木賊蟬退白蒺藜

一痘班入眼在白珠上者不必治久當自去惟在黑珠上宜治

之當清肝火

一凡病目熱者最宜忌酒及椒薑牛羊雞鵝鴨一應熱物并雞

鵝鴨蛋皆不可用以防連綿不愈之患

一痘瘡熱毒傷目凡必用之藥如生地芍藥麥門冬山梔玄參

草決明連翹黃芩黃連肝熱者龍胆草陽明實熱者石膏石

解腎火盛者黃栢知母三陰俱熱者地骨皮火浮不降者木通澤瀉翳障不去者木賊草蟬退白蒺藜氣虛者人參黃芪血虛者當歸熟地但火炎於上者不宜升陰虛於下者不宜泄是皆治眼之大法

一痘瘡護眼法宜錢氏黃栢膏爲佳從耳前眼皮上下顴面間日塗三四次可以護眼稀痘

一用點藥者凡目中生痘或食發物或熱毒太盛上蒸目竅以致熱痛或生翳障切不可妄用一切點藥蓋其非毒卽冷必致寒熱相激反以爲害惟余之金露散乃爲相宜可間用以解熱痛之急

徐氏曰痘之毒氣自裏達表故有目病治宜活血解毒而已活血不至熱解毒不至寒但得血活毒散則目疾自愈

痘癰痘毒六四又痘母見前怪痘形證

痘發癰毒者亦名痘母經曰痘前發母者凶痘後發母者半吉  
半凶大都毒發不透必發癰疽故蘊結於經絡之間然其壅  
結也猶無足慮而惟其不能消散及治之不得其法則乃爲  
可慮然散之之法當知要領其在虛實之辨而已如痘癰之  
有大毒者不得不爲解毒有大熱者不得不爲清火俟火毒  
畧清便當調理脾氣其有外雖見熱而內本不足者則當專  
用托法務令元氣完固飲食不減則毒無不化何害之有若  
不察根本強弱而但知攻毒清火則無不傷脾多致飲食日  
減營氣日削膿血不化毒日以陷而痘變百出矣所以痘瘡  
始末皆當以脾氣爲主苟不知此則未有中氣虛敗而痘能  
保全者

痘癰 初起壅盛疼痛元氣無損飲食如常者宜先用連翹歸  
尾前 或仙方活命飲以解其毒俟毒氣稍平卽當用四君歸

芪之類以補托元氣

一凡用托裏之劑如癰毒內無大熱亦無便閉煩渴等證或素非強盛之質或以陰毒深陷形不掀突不紅腫不化膿痛有不堪者此其毒皆在內俱速宜用托裏之藥以六氣煎加金銀花甘草節防風荆芥白芷川山甲牛旁子之類如陽氣不足者仍可加肉桂附子用酒水各半煎服或全用酒煎亦可或托裏消毒散俱可酌用

一凡內熱晡熱而飲食少思者多屬脾胃不足血氣虛弱宜六氣煎或溫胃飲加金銀花白芷○若癰毒色白而作痒者氣虛也治同上○若根赤而作痒者血虛血熱也宜四物湯加丹皮白芷○若腫而不潰者血氣虛也托裏消毒散或加肉桂○若潰而不收者脾氣虛也宜六氣煎或六物煎加肉桂○飲食如常而內外俱熱癰毒腫痛或煩渴或大小便俱熱



古全書 卷之四十五  
澁者宜大連翹飲或仙方活命飲可間用之○若飲食如常  
內熱作痛或兼口舌生瘡者宜間用射干鼠粘子湯

一痘毒發癰有結硬實熱難解者宜排毒散

一痘後發癰瘡者乃痘中未盡之毒留於經絡肢節而為癰腫  
也或解毒或清火各有所宜凡欲表裏兼解者宜柴胡麥門  
冬散欲潤腸解毒者宜消毒散及四順清涼飲欲涼血解毒  
者宜犀角地黃湯欲清火利便解毒者宜大連翹飲

### 疔 蝕瘡六五

陳氏曰凡痘瘡已靨未愈之間五臟未實肌肉尙虛血氣未復  
被風邪所搏則津液澁滯遂成疔蝕宜用雄黃散綿蠻散等  
藥治之久而不愈則多致不起

薛氏曰前方乃解毒殺虫之劑若毒發於外元氣未傷者用之  
多效若元氣傷損邪火上炎者用大蕪荑湯六味丸○若赤

痛者用小柴胡湯加生地黄○若肝脾疳證必用四味肥兒丸及人參白朮散更佐以九味蘆薈丸

萬氏曰凡痘後疳蝕瘡至毒壅肌肉內透筋骨外連皮膚時痛出血日久不痊者此毒在脾經甚為惡候乃不足之證也內服十全大補湯外用綿鹽散貼之○疳蝕出血者難治

痘藥正品

人參 益元氣生精血復元神補五臟凡痘瘡表散起服灌漿

收靨始終皆賴之

黃芪 固膜理補元氣內托陷下皆用之

當歸 主血養血活血止血痘瘡賴以調血凡虛者能補滯者

能行欲其升散當佐以川芎欲其斂附當佐以芍藥

熟地黄 痘疹之病形質之病也形質之本在精血熟地以至

靜之性以至甘至厚之味實精血形質中第一品純厚之藥

凡痘瘡起發灌漿收斂之用以參芪配之其功乃倍且其得升紫則能發散得桂附則能回陽得參芪則入氣分得歸芍則入血分今見痘家傷寒家多不用此豈亦古人之未之及耶抑不知四物湯爲何物耶

生地黃 涼血行血養血治痘瘡血熱血燥凡吐血衄血痘瘡紅紫及解毒藥中皆宜用之

芍藥 可升可降能清能斂治痘瘡血散不歸賴以收之使附氣分能瀉肝脾之火故止腹之熱痛亦能止汗

川芎 能升能散能引清氣上行頭角以起頭面之痘能佐參芪以行陽分而解肌表之邪此可爲引導通行之使但性多辛散凡火在上而氣虛者當避之

白朮 健脾利水燥濕溫中能補氣故能發痘能固脾故能止

瀉

甘草 味甘平得土氣之正故能補中和中而兼達四臟佐理  
陰陽惟其甘和而潤故能解剛暴之毒瀉枯涸之火  
麥門冬 生津止渴清肺滋陰除煩熱解燥毒痘疹陰虛而多

火者宜之

糯米 善滋脾胃益中氣助血生漿能制痘毒不能內攻

扁豆 健脾和中養胃止嘔

柴胡 發散熱邪瀉肝胆之火解肌開表退往來寒熱

升麻 升陽氣達肌表散風寒善走陽明

防風 散風熱解表邪舉陷氣佐黃芪能托裏祛毒

乾葛 解肌清熱涼散表邪故能止渴

荆芥穗 解風熱消瘡毒利肌表退腫清咽亦散頭目之風邪

白芷 散風邪逐寒濕止頭疼除搔痒化癰毒善走陽明故能

起頭面之痘亦托肌肉之膿

麻黃 陰寒沉滯之邪非此不能散亦痘家之要藥而人多畏

之由不能察也

薄荷 散風熱清頭目能利咽喉亦解熱毒

羌活 散肌表之毒風利筋骨走經絡故能止周身之痛

官桂 味甘辛能養營解表性溫熱能煖血行經凡痘瘡營衛

不克而見寒滯者必用此以導逆血氣且善行參芪熟地之

功

附子 脾腎虛寒元陽大虧凡泄瀉嘔吐不能止寒戰厥逆不

能除者非此不可以益火之源

生薑 辟惡氣散寒氣溫中氣開脾胃止嘔吐之要藥若欲理

中寒止腹痛則炮乾薑尤勝

陳皮 和脾胃達陰陽開痰行氣和胃消脹可降可升

山查 消食快胃解利宿滯開導六腑無辛香之耗故可為參

木之導引

木香 調諸氣和胃行滯止瀉除胸腹痛亦能溫中若氣虛煩熱者不宜輕用

丁香 煖胃逐寒順氣止嘔且除腹痛寒滯者不可少也

肉豆蔻 固腸溫中行滯止瀉中寒滑泄者最宜之

茯苓 利水益脾去濕熱故能止瀉除煩以通津液

澤瀉 利水下行能去濕熱以消腫亦導諸藥以降火

木通 大利小水善泄心與小腸之火能使痘瘡濕熱之毒從

小便而出凡內熱毒盛者宜之若熱退中虛者不可驟用

桔梗 性味輕浮能載藥上升清火解毒故治喉痺

鼠粘子 性味清涼能潤肺散氣利咽退腫欲解痘疹熱毒此

不可缺

紫草 味苦性寒能涼血活血制熱邪解痘毒滑利大便○程

氏曰大抵凡下紫草必下糯米五十粒以制其冷性庶不損胃氣而致泄瀉惟大熱便秘者不必糯米也

蟬退 散風清熱疎邪氣故能解痘瘡之毒風

僵蚕 散風消痰解毒尤利咽喉

川山甲 性闊而利善通經脈直達病所凡痘有毒盛而鬱遏

不能出者宜此達之然必藉血氣諸藥爲之主而以此爲佐

引則可

犀角 解心火及肝脾之火凡痘中血熱吐衄及焦黑驚搐煩

躁不寧等證皆可用之以解熱毒

蜂蜜 益脾生津潤燥可結痂亦可落痂

硃砂 鎮心氣除熱毒墜痰涎安驚悸定神魂凡心經痘毒及

痰火上壅有餘之證皆宜用之

琥珀 安神定志利水鎮驚

玄參 能解血中之熱清遊火滋肝肺除痘疹之熱毒

黃連 解諸熱毒瀉心肝大腸之火

滑石 甘涼下降利水道清解六陽之煩熱

石膏 清肅大寒善降陽明之火凡屬陽明實熱而為頭痛目

腫口瘡咽痛身熱煩渴狂躁便結者非此不能解

連翹 清三焦浮游之火解痘疹癰瘍之毒

梔子 利小水降脾肺膀胱之火使從小便中出

龍胆草 性寒而降大清肝腎之火上退眼目之赤痛下清足

膝之熱腫

黃芩 性味輕浮能清肺金大腸之火

大黃 通壅滯逐瘀血退熱攻堅非有大實證則不可輕用

痘家藥忌六七

人參黃芪皆補氣助陽之劑凡痘色白陷者宜用之若紅紫壯



實者用之則血愈熱而毒愈熾紅紫者轉為枯黑又甚矣

白本能燥濕專補氣分亦能閉氣多用則潤氣不行痘難成漿

助陽生火亦難收斂

茯苓猪苓澤瀉滲泄燥濕能令水氣下行多服則津液耗散凡

陰虛於下而精血不足者當避之

川芎性升氣散凡氣虛者不宜多用火浮於上而頭痛浮腫者

忌之

生地性寒腸胃虛寒者慎之

升麻提氣上衝凡下虛上實氣壅煩躁者忌之

柴胡清散而潤利汗多者不宜用脾泄者不宜多用

紫草性寒利竅多服成泄瀉脾氣虛者忌之

鼠粘子通肌滑竅多服恐內損中氣外致表虛

蟬退能開肌竅多服恐泄元氣以致表虛

麻黃開竅大泄肌表妄用恐表虛氣脫

乾葛性涼解肌多用恐致表虛

枳殼下氣寬腸多用則損中氣

山查散血解結多則傷血陷氣

砂仁散氣動氣氣虛者不宜用

烏梅酸斂宜散宜行者不宜用

川山甲銳性有餘補性不足若任用攻毒而不以王道為之師

則無異追窮寇而出孤注能善其終者鮮矣

人牙性烈發表太過若妄用之則內動中氣外增潰爛

訶子龍骨枯礬皆能阻塞肌竅欲通利者宜避之

大黃耗削力雄血氣中虛者不可輕用

黃連大苦大寒原非厚腸之物泄瀉無火者大忌之

山梔黃芩黃柏石膏龍胆草滑石連翹前胡天花粉之類皆大

寒之物非有實火熱毒者不得妄行濫用

附子乾薑肉桂吳茱萸之類性皆溫熱凡煩熱紫黑便結毒盛者皆不可輕用

瓜蒌不開結陷氣滑腸凡虛痰虛火及中氣不足而爲喘促脹滿大便不實者皆大忌之

桑虫亦名桑蠶不知矧自何人用以發痘今俗醫以爲竒品疏相傳用余嘗遍考本草痘疹諸書皆所不載及審其性瘡不過爲陰寒濕毒之虫耳惟其有毒所以亦能發痘惟其寒濕所以最能敗脾且發痘者不從血氣而從毒藥痘雖起而中則敗矣此與摳苗者何異矧以濕毒侵脾弱稚何堪故每見多服桑虫者毒發則唇膚俱裂脾敗則泄瀉不止前之旣覆後可鑒矣其奈朦朧者率猶長夜之不醒何蓋其但見痘之死總未知敗在虫毒也余欲呼之用斯代析而弁咎夫作俑

者之可恨

痘瘡下論列方 六八

保元湯痘一

調元湯痘二

十全大補湯補二十

調中湯小三

五福飲新補六

五味異功散補四

養中煎新熱四

七福飲新補七

六味異功煎新熱七

溫胃飲新熱五

三陰煎新補十一

九味異功煎新因二二

胃關煎新熱九

五陰煎新補十三

六味回陽飲新熱二

佐關煎新熱十

理中湯熱一

七味白朮散小七

六氣煎新因二一

理陰煎新熱三

人參白朮散小七

六物煎新因二十

四君子湯 補一

參苓白朮散 補五五

四物湯 補八

六君子湯 補五

金水六君煎 新和一

六味丸 補一二

五君子煎 新熱六

人參建中湯 補二六

黃元飲 新補十九

小建中湯 補三二

貞芪建中湯 補二七

生脉散 補五七

大補元煎 新補一

人參麥門冬散 痘二三

胃愛散 痘十九

酸棗仁湯 補八五

硃砂安神丸 寒一四二

團參散 小十

大和中飲 新和七

七味安神丸 小七二

參薑飲 新熱八

小和中飲 新和一

秘旨安神丸 小七一

加減參蘓飲 痘三四

大分清飲 新寒五

益黃散 和十九

養心湯小五九

小分中飲新和十

升麻葛根湯痘二六

寧神湯小五七

小柴胡湯散十九

柴葛桂枝湯痘三六

茯神湯小六十

柴胡飲子痘四二

柴胡麥門冬散痘二四

止汗散小十一

大連翹飲寒七八

葛根麥門冬散痘一四一

抑扶煎新熱十一

紫葍飲子痘六七

解毒防風湯痘五六

蘼葛湯痘二七

大蕪荑湯小百八

前胡枳殼散痘九四

柴葛煎新因十八

肉豆蔻丸小五六

仙方活命飲外一

五積散散三九

疎邪飲新因十六

連翹歸尾煎新因三二

柴歸飲新因十五

敗毒散散三六

荆防敗毒散痘三一

雙解散 痘四一

羌活散痘三八

十味羌活散 痘三八

二陳湯 和一

羌活湯 痘四十

十三味羌活散痘三九

橘皮湯 痘九二

白虎湯 寒二

人參白虎湯 寒三

惺惺散 小二三

化班湯 寒三

人參石膏湯 寒三

十宣散 痘十四

化毒湯 痘五七

黃連解毒湯 寒

和胃飲 新和五

排毒散 痘九八

葛根解毒湯 痘五三

六安煎 新和二

消毒散 痘四七

托裏消毒散 痘六

清隔煎 新寒九

抽薪飲 新寒三

四味消毒散 痘四八

黃芩湯 寒百五

逐火丹 痘八四

六味消毒散 痘四九

生犀散 小二八

益元散 寒百十二

玄參地黃湯 痘八六

二妙散 寒一四

天水散 寒百十二

當歸六黃湯 寒六五

瀉黃散 寒五七

導赤散 寒一二三

導赤通氣散 痘八八

二仙散 痘二十

神香散 新相二十

五苓散 和一八二

射于鼠粘子湯 痘七七

五德丸 新熱十八

四苓散 和一八七

御藥大半夏湯 和十一

保和丸 小三五

八正散 寒百十五

九味蘆薈丸 小百十五

抱龍丸 小八五

甘桔湯 因一七五

甘桔清金散 痘八九

百祥丸 痘九六

承氣湯 攻一



四順清涼飲 攻二五

萬奪命丹 痘八二

赤金豆 新攻二

桂枝大黃湯 痘四三

琥珀散 小八一

三黃丸 攻六八

旗龍胆瀉肝湯 寒六二

梅花飲 小八三

香連丸 寒百十三

知龍胆瀉肝湯 寒六四

瀉青丸 寒一五一

當歸丸 痘九五

牝龍膽瀉肝湯 寒六三

通關散 痘八五

洗胆散 痘百七

洗川明目散 痘百六

通神散 痘百十二

淚藜散 痘百九

芍藥清肝散 寒六一

蟬菊散 痘百十

密蒙花散 因三十

馴竹葉石膏湯 寒五

秦皮散 痘百十一

茵陳薰法 痘百十九

味竹葉石膏湯 寒六

雄黃散 痘一二三

胭脂塗法 痘一二五

蕎麥散 痘一二四

旌犀角地黃湯 寒八十

黃栢膏 痘百十三

紅綿散 痘七二

十一味木香散 痘二一

救苦滅癩散 痘百二八

鴨牛黃清心丸 小九四

炳犀角地黃湯 寒七九

敗草散 痘一六

百花膏 痘一二三

犀角地黃湯 寒八一

綿蠻散 痘一三四

金露散 新四四

十二味異功散 痘二二

一  
 二  
 三  
 四  
 五  
 六  
 七  
 八  
 九  
 十  
 十一  
 十二  
 十三  
 十四  
 十五  
 十六  
 十七  
 十八  
 十九  
 二十  
 二十一  
 二十二  
 二十三  
 二十四  
 二十五  
 二十六  
 二十七  
 二十八  
 二十九  
 三十  
 三十一  
 三十二  
 三十三  
 三十四  
 三十五  
 三十六  
 三十七  
 三十八  
 三十九  
 四十  
 四十一  
 四十二  
 四十三  
 四十四  
 四十五  
 四十六  
 四十七  
 四十八  
 四十九  
 五十  
 五十一  
 五十二  
 五十三  
 五十四  
 五十五  
 五十六  
 五十七  
 五十八  
 五十九  
 六十  
 六十一  
 六十二  
 六十三  
 六十四  
 六十五  
 六十六  
 六十七  
 六十八  
 六十九  
 七十  
 七十一  
 七十二  
 七十三  
 七十四  
 七十五  
 七十六  
 七十七  
 七十八  
 七十九  
 八十  
 八十一  
 八十二  
 八十三  
 八十四  
 八十五  
 八十六  
 八十七  
 八十八  
 八十九  
 九十  
 九十一  
 九十二  
 九十三  
 九十四  
 九十五  
 九十六  
 九十七  
 九十八  
 九十九  
 一百

一  
 二  
 三  
 四  
 五  
 六  
 七  
 八  
 九  
 十  
 十一  
 十二  
 十三  
 十四  
 十五  
 十六  
 十七  
 十八  
 十九  
 二十  
 二十一  
 二十二  
 二十三  
 二十四  
 二十五  
 二十六  
 二十七  
 二十八  
 二十九  
 三十  
 三十一  
 三十二  
 三十三  
 三十四  
 三十五  
 三十六  
 三十七  
 三十八  
 三十九  
 四十  
 四十一  
 四十二  
 四十三  
 四十四  
 四十五  
 四十六  
 四十七  
 四十八  
 四十九  
 五十  
 五十一  
 五十二  
 五十三  
 五十四  
 五十五  
 五十六  
 五十七  
 五十八  
 五十九  
 六十  
 六十一  
 六十二  
 六十三  
 六十四  
 六十五  
 六十六  
 六十七  
 六十八  
 六十九  
 七十  
 七十一  
 七十二  
 七十三  
 七十四  
 七十五  
 七十六  
 七十七  
 七十八  
 七十九  
 八十  
 八十一  
 八十二  
 八十三  
 八十四  
 八十五  
 八十六  
 八十七  
 八十八  
 八十九  
 九十  
 九十一  
 九十二  
 九十三  
 九十四  
 九十五  
 九十六  
 九十七  
 九十八  
 九十九  
 一百

景岳全書外科鈐目錄聖集

卷之四十六

外科上

經義一

論證三

虛實五

總論治法七

托裏九

論灸法十一

論針法十三

圍藥十五

合時從證十七

溫補按則十九

脈候二

善惡逆順四

淺深辨六

敗毒八

論汗下十

膿針辨十二

用針勿忌尻神十四

腐肉十六

陽氣脫陷十八

定痛二十

生肌收口漏證 二十一附

用香散藥 二十二

槐花酒 二十三

忍冬酒 二十四

腫瘍 二十五

腫瘍不足 二十六

潰瘍 二十七

潰瘍在餘 二十八

潰瘍作痛 二十九

潰瘍發熱 三十

發熱煩躁 三十一

作嘔 三十二

作渴 三十三

瀉痢 三十四

大便秘結 三十五

小便淋澁不利 三十六

發瘰 三十七

無寐 三十八

瘡瘍出血 三十九

戒忌調護 四十

陰陽證變 四十一

論列方 外科上

卷之四十七

外科下

發背 四十二

腦疽 四十三

耳瘡 四十四

鬢疽 四十五

疔腮 四十六

瘰癧 四十七

疔瘡 四十八

時毒 四十九

肺癰肺痿 五十

乳癰乳巖 五十一

胃脘癰 五十二

腹癰 五十三

腸癰 五十四

附骨疽 五十五

臀癰 五十六

流注 五十七

鶴膝風 五十八

多骨疽 五十九

下疳瘡 六十

便毒 六十一

楊梅瘡 六十二

囊癰 六十三

懸癰 六十四

脫疽 六十五

腳發 六十六

足跟瘡 六十七

腎臟風瘡 六十八

廉瘡 六十九

天泡瘡 七十

赤白遊風 七十一

翻花瘡 七十二

痔漏 七十三  
下血按 附臍毒

跌打損傷 七十四

杖瘡 七十五

破傷風 七十六

類破傷風 七十七

斑疹丹毒 七十八

癩贅 七十九

疔 八十

論列方 外利下

景岳全書卷之四十六聖集

外科鈐上

會稽 張介賓 會卿著

曾稽 魯 超 謙菴訂

外科鈐上

經義一

癰疽篇黃帝曰血氣已調形氣乃持余已知血氣之平與不平  
未知癰疽之所從生成敗之時死生之期有遠近何以度之  
可得聞乎岐伯曰經脈流行不止與天同度與地合紀故天  
宿失度日月薄蝕地經失紀水道流溢草莖不成五穀爛  
徑路不通民不往來巷聚邑居則別離異處血氣猶然請言  
其故夫血脈營衛周流不休上應星宿下應經數寒邪客於  
經絡之中則血泣血泣則不通不通則衛氣歸之不得復反



故癰腫寒氣化爲熱熱勝則腐肉肉腐則爲膿膿不瀉則爛  
筋筋爛則傷骨骨傷則髓消不當骨空不得泄寫血枯空虛  
則筋骨肌肉不相榮經脈敗漏薰於五藏藏傷故死矣○黃  
帝曰願盡聞癰疽之形與忌曰名岐伯曰癰發於鬻中名曰  
猛疽猛疽不治化爲膿膿不寫塞咽半日死其化爲膿者寫  
則合豕膏冷食三日已○發於頸名曰天疽其癰大以赤黑  
不急治則熱氣下入淵腋前傷任脈內薰肝肺薰肝肺十餘  
日而死矣○陽氣大發消腦留項名曰腦爍其色不樂項痛  
而如刺以針煩心者死不可治○發於肩及臑名曰疵癰其  
狀赤黑急治之此令人汗出至足不害五藏癰發四五日逞  
熇之○發於腋下赤堅者名曰米疽治之以砭石欲細而長  
踈砭之塗以豕膏六日已勿褻之○其癰堅而不潰者爲馬  
刀挾纒急治之○發於胸名曰井疽其狀如大豆三四日起

不早治下八腹不治七日死矣○發於膺名曰其疽色青其  
狀如穀實蕪蕪常苦寒熱急治之去其寒熱十歲死死後出  
膿○發於脇名曰敗疵敗疵者女子之病也灸之其病大癰  
膿治之其中乃有生肉大如赤小豆劉蔞薊草根各一升以  
水一斗六升煮之竭爲取三升則強飲厚衣坐於釜上令汗  
出至足已○發於股脛名曰股脛疽其狀不甚變而癰膿搏  
骨不急治三十日死矣○發於尻名曰銳疽其赤堅大急治  
之不治三十日死矣○發於股陰名曰赤施不急治六十日  
死在兩股之內不治十日而當死○發於膝名曰疵癰其狀  
大癰色不變寒熱如堅石勿石石之者死須其二乃石之者  
生○諸癰疽之發於節而相應者不可治也發於陽者百日  
死發於陰者三十日死○發於脛名曰兔齧其狀赤至骨急  
治之不治害人也○發於內踝名曰走緩其狀癰也色不變

數石其輸而止其寒熱不死○發於足上下名曰四淫其狀  
大癰急治之百日死○發於足傍名曰厲癰其狀不大初如  
小指發急治之去其黑者不消輒益不治百日死○發於足  
指名脫癰其狀赤黑死不治不赤黑不死不衰急斬之不則  
死矣○黃帝曰夫子言癰疽何以別之岐伯曰榮衛稽留於  
經脈之中則血泣而不行不行則衛氣從之而不通壅遏而  
不得行故熱大熱不止熱勝則肉腐腐則爲膿然不能陷骨  
髓不爲焦枯五藏不爲傷故名曰癰黃帝曰何謂疽岐伯曰  
熱氣淳盛下陷肌膚筋髓枯內連五藏血氣竭當其癰下筋  
骨良肉皆無餘故命曰疽疽者上之皮夭以堅上如牛領之  
皮癰者其皮上薄以澤此其候也

玉版篇黃帝曰病之生時有喜怒不測飲食不節陰氣不足陽  
氣有餘營氣不行乃發爲癰疽陰陽不通兩熱相搏乃化爲

膿小能取之乎岐伯曰以小治小者其功小以大治大者多害故其已成膿血者其唯砭石鉞鍼之所取也黃帝曰多害者其不可全乎岐伯曰其在逆順焉以爲傷者其白眼青黑眼小是一逆也內藥而嘔者是二逆也腹痛渴甚是三逆也肩項中不便是四逆也音嘶色脫是五逆也除此五者爲順矣

寒熱病篇曰五藏身有五部伏兔一腓二腓者膈也背三五藏之踰四項五此五部有癰疽者死○凡刺之害中而不去則精泄不中而去則致氣精泄則病甚而惟致氣則生爲癰疽也

生氣通天論曰高粱之變足生大疔受如持虛○汗出見濕乃生痲痺○勞汗當風寒薄爲皴鬱乃瘞○營氣不從逆於肉理乃生癰腫○陷脈爲癭雷連肉腠○因而飽食筋脈橫解

腸澼爲痔

陰陽別論曰三陽爲病發寒熱下爲癰腫

脈度篇曰六府不和則留結爲癰

異法方宜論曰東方之域其民食魚而嗜鹹其病皆爲癰瘍其治宜砭石故砭石者亦從東方來

氣穴論曰肉之大會爲谷肉之小會爲谿肉分之間谿谷之會以行榮衛以會大氣邪溢氣壅脈熱肉敗榮衛不行必將爲膿內消骨髓外破大腸留於節湊必將爲敗積寒留舍榮衛不居卷肉縮筋助肘不得伸內爲骨痺外爲不仁命曰不足大寒留於谿谷也

刺節真邪論曰虛邪之中人也洒淅動形起毫毛而發腠理其入深內搏於骨則爲骨痺搏於筋則爲筋攣搏於脈中則爲血閉不通則爲癰○虛邪之人於身也深寒與熱相搏久留

而內著寒勝其熱則骨疼內枯熱勝其寒則爛肉腐肌爲膿  
內傷骨內傷骨爲骨蝕○有所疾前筋筋屈而不得伸邪氣  
居其間而不反發爲筋溜○有所結氣喘之衛氣喘之不得  
反津液久留合而爲腸溜○久者數歲乃成以手按之柔已  
有所結氣喘之津液溜之邪氣中之凝結日以易甚連以聚  
居爲昔癰○以手按之堅有所結深中骨氣因於骨骨與氣  
并日以益大則爲骨疽○有所結中於肉宗氣喘之邪留而  
不去有熱則化爲膿無熱則爲肉疽○凡此數氣者其發無  
常處而有常名也

病能論黃帝問曰人病胃脘癰者診當何如岐伯對曰珍此者  
當候胃脉其脉當沉細沉細者氣逆逆者人迎甚盛甚盛則  
熱人迎者胃脉也逆而盛則熱聚於胃口而不行故胃脘爲  
癰也○帝曰有病頸癰者或石治之或鍼灸治之而皆愈其

真安在岐伯曰此同名異等者也夫癱氣之息者宜以鍼開  
除去之夫氣盛血聚者宜石而寫之此所謂同病異治也

脉要精微論帝曰諸癱腫筋攣骨痛此病安生岐伯曰此寒氣  
之腫入風之變也帝曰治之柰何岐伯曰此四時之病以其  
勝治之愈也

厥論曰少陽厥逆机閉不利机閉不利者腰不可以行項不可  
以顧發腸癰不可治驚者死

寒熱篇帝曰寒熱燥癰在於頸腋者皆何氣使然岐伯曰此皆  
鼠痿寒熱之毒氣也留於脉而不去者也鼠痿之本皆在於  
藏其未上出於頸腋之間其浮於脉中而未內著於肌肉而  
外爲膿血者易去也黃帝曰去之柰何岐伯曰請從其本引  
其末可使衰去而絕其寒熱宜按其道以予之徐往徐來以  
去之其小如麥者一刺知三刺而已黃帝曰決其死生柰何

岐伯曰反其自視之其中有赤戒上下貫瞳子見一脈一歲  
死見一脈半一歲半死見二脈二歲死見二脈半二歲半死  
見三脈三歲死見赤脈不下貫瞳子可治也

通評虛實論曰所謂少鍼石者非癰疽之謂也癰疽不得填時  
回

氣交變大論曰歲火太過民病身熱骨痛而爲浸淫○歲金大  
過民病兩脇下少腹痛自赤痛皆瘍耳無所聞○歲木不及  
復則炎暑流火濕性燥病寒熱瘡瘍痈疔癰瘰○歲金不及  
復則寒雨暴至民病口瘡○歲水不及民病寒瘍流水

五常政大論曰委和之紀其病支廢癰腫瘡瘍○卑監之紀其  
動瘍洫分潰癰腫○赫羲之紀其病笑瘡瘡瘍○堅成之紀  
其動暴折瘍疰○少陽司天火氣下臨鼻窒瘡瘍太陽司天  
寒氣下臨甚則肘腫身後癰少陰司天熱氣下臨甚則瘡瘍



○地有高下氣有溫涼高者氣寒下者氣熱故適寒涼者服之溫熱者瘡下之則服已汗之則瘡已

脉候二

浮數之脉應發熱其不發熱而反惡寒者若有痛處瘡疽之謂也

洪大之脉其主血實積熱瘡腫凡洪大者瘡疽之病進也膿未成者宜下之膿潰之後脉見洪大則難治若兼自利尤爲凶候

數脉主熱浮而數者爲表熱沉而數者爲裏熱諸緊數之脉應發熱而反惡寒者癰疽也仲景曰數脉不時見則生惡瘡也又曰肺脉數者生瘡也凡諸瘡脉至洪數其內必有膿也實脉主邪盛邪氣盛則實也瘡疽得此可下之若久病虛人則最忌之以正不勝邪也

滑脉多陽或爲熱或爲虛瘡疽得此膿未成者可內消膿已潰者宜托裏所謂始爲熱終爲虛也

散脉爲血虛有表無裏也凡瘡毒膿潰之後脉見洪滑粗散而煩痛不除者難治以其正氣虛邪氣實也又曰肢體沉重肺脉大則斃謂其浮散無根也

長脉主陽氣克實傷寒得之將欲汗解也長而緩者胃脉也百病得之皆愈故曰長則氣治也

芤脉主陰虛血虛膿潰後得之爲宜以脉病相應也

弦脉主肝邪瘡疽論曰弦洪相搏內寒外熱欲發瘡疽也

緊脉主切痛積癖凡瘡疽得此則氣血留滯邪結不散多爲痛也

短脉主虛經曰短則氣病以其乏胃氣也瘡瘍脉短真氣虛也諸病見之皆爲難治尤不可攻也

長生金書 卷之四十一  
虛脈主血虛氣澁瘡瘍潰後得之無妨

沉脈爲陰瘡瘍得之邪氣深也

遲脈主陽氣不足瘡瘍得之潰後自愈

緩脈無邪長而緩者百病皆宜瘡瘍得此則易愈以其有胃氣也

弱脈主氣血俱虛形精不足大抵瘡家之脈凡沉遲濡弱者皆宜托裏

微脈主虛真氣復則生邪氣勝則死瘡瘍潰後微而和者將愈也

細脈主陽衰瘡腫脈細而沉有裏虛而欲變證也

虛脈空而無力脈虛則血虛血虛生寒陽氣不足也瘡瘍得之

止宜托裏養血補氣也

軟脈少神元氣弱也凡瘡瘍之脈但見虛遲軟弱者悉宜補虛

排膿托裏○牢脈堅強陰之屬也凡癰癤結腫之類診得牢脈者皆不可內消也

結促之脈凡陰衰則促陽衰則結大抵結促之脈由氣血俱虛而斷續者居多瘡瘍得之多宜托裏然有素稟結促者又當以有力無力辨其虛實實者可下虛者不可不補

右癰疽脈二十二種大都微弱虛細遲緩短澁者必氣血皆虛形精不足俱常用補用托不可妄攻無待言也卽如浮滑弦洪結促等脈此中最有疑似亦不得以全實論治必須詳審形證或攻或補庶無誤也

齊氏曰瘡瘍之證若不診候何以知陰陽勇怯血氣聚散又曰脈洪大而數者實也細微而數者虛也

河間曰脈沉實者其邪在臟洪大者其邪在表立齋曰癰疽未潰而脈先弱者何以收斂

證證三

凡瘡瘍之患所因雖多其要惟內外二字證候雖多其要惟陰陽二字知此四者則盡之矣然內有由臟者有由腑者外有在皮膚者有在筋骨者此又其淺深之辨也至其爲病則無非血氣壅滯營衛稽留之所致蓋凡以鬱怒憂思或淫慾丹毒之逆者其逆在肝脾肺腎此出於臟而爲內病之最甚者也凡以飲食厚味醇酒炙燂之壅者其壅在胃此出於腑而爲內病之稍次者也又如以六氣之外襲寒暑之不調侵人經絡傷人營衛則凡寒滯之毒其來徐來徐者其入深多犯於筋骨之間此表病之深者也風熱之毒其來暴來暴者其入淺多犯於皮肉之間此表病之淺者也何也蓋在臟在骨者多陰毒陰毒其甚也在腑在膚者多陽毒陽毒其淺也所以凡祭瘡瘍者常識癰疽之辨癰者熱壅於外陽毒之氣也

其腫高其色赤其痛甚其皮薄而澤其膿易化其口易斂其  
來速者其愈亦速此與臟腑無涉故易治而易愈也疽者結  
陷於內陰毒之氣也其腫不高其痛不甚其色沉黑或如生  
領之皮其來不驟其愈最難或全不知痛痒甚有瘡毒未形  
而精神先困七惡叠見者此其毒將發而內先敗大危之候  
也知此陰陽內外則癰瘍之槩可類見矣然此以外見者言  
之但癰瘍之發原無定所或在經絡或在臟腑無不有陰陽  
之辨若元氣強則正勝邪正勝邪則毒在腑在腑者便是陽  
毒故易發易收而易治元氣弱則邪勝正邪勝正則毒在臟  
在臟者便是陰毒故難起難收而難治此之難易全在虛實  
實者易而虛者難也速者易而遲者難也所以凡察癰疽者  
當先察元氣以辨吉凶故無論腫瘍潰瘍但覺元氣不足必  
當先慮其何以收局而不得不預爲之地萬勿見病治病且

顧目前則鮮不致害也有其元氣本虧而邪盛不能容補者  
是必敗逆之證其有邪毒熾盛而脈證俱實者但當直攻其  
毒則不得誤補助邪所當詳辨也

華元化曰癰疽瘡腫之作皆五臟六腑蓄毒不流非獨因營衛  
閉塞而發也其行也有處其主也有歸假令發於喉舌者心  
之毒發於皮毛者肺之毒發於肌肉者脾之毒發於骨髓者  
腎之毒發於筋膜者肝之毒發於下者陰中之毒發於上者  
陽中之毒發於外者六腑之毒發於內者五臟之毒故內曰  
壞外曰潰上曰從下曰逆發於上者得之速發於下者得之  
緩感於六腑則易治感於五臟則難瘳又近骨者多冷近膚  
者多熱近骨者久不愈則化成血蟲近膚者久不愈則傳氣  
成漏成蟲則多痒少痛或先痒後痛成漏則多痛少痒或不  
痒不痛內虛外實者多痛少痒血不止則多死潰膿則多生

證候多端要當詳治

伍氏云癰疽之疾有二十餘證曰燔發痼發石發岩發峯窠發蓮子發椒眼發連珠發竟體發腸癰內發腦背發眉發腮頰發肺癰瓜瓠發大率隨病淺深內外施治不可遲緩初發如傷寒脉浮而紫是其候也

又曰五臟六腑俞穴皆在背凡患瘡證有傷臟膜者多致不救腑氣浮行於表故癰腫浮高爲易治臟血沉寒主裏故疽腫內陷爲難治

一又曰癰者節也癰者壅也疽者沮也一寸至二寸爲癰三寸至五寸爲癰一尺爲疽一尺至二尺爲竟體疽若脉洪數者難治脉微瀟者易治初覺宜清熱拔毒已潰則排膿止痛膿盡則長肌敷痂當酌輕重順逆而審治之

馬益卿癰疽論曰人有四肢五臟一覺一寐呼吸吐納精氣往



來流而爲營衛暢而爲氣色發而爲聲音陽用其形陰用其  
精此人之常數所同也至其失也蒸則生熱否則生寒結則  
爲癰贅陷則爲癰疽疑則爲瘡癰憤則結癭怒則結疽又五  
臟不和則九竅不通六氣不和則留結爲癰皆經絡滯滯氣  
血不流風毒乘之而致然也

薛立齋曰瘡瘍之作皆由膏梁厚味醇酒炙煇房勞過度七情  
鬱火陰虛陽蕩精虛氣節命門火衰不能生土營衛虛弱外  
邪所襲氣血受傷而爲患當審其經絡受證標本緩急以治  
之

陳良甫曰外如麻裏如瓜又目外小如錢內可容拳

善惡逆順

四

癰疽證有五善七惡不可不辨凡飲食如常動息自寧一善也  
便利調勻或微見乾澀二善也膿潰腫消水漿不臭內外相

應三善也神彩精明語聲清亮肌肉好惡分明四善也體氣  
和平病藥相應五善也○七惡者煩躁時嗽腹痛渴甚眼角  
向鼻瀉利無度小便如淋一惡也氣息綿綿脈病相反膿血  
既泄腫焮尤甚膿色臭敗痛不可近二惡也目視不正黑睛  
緊小白睛青赤瞳子上視精明內陷三惡也喘粗短氣恍惚  
嗜臥面青唇黑便汚未潰肉黑而陷四惡也肩背不便四肢  
沉重已潰青黑筋腐骨黑五惡也不能下食服藥而嘔食不  
知味發痰嘔吐氣噎痞塞身冷自汗耳聾驚悸語言顛倒六  
惡也聲嘶色敗唇鼻青赤面目四肢浮腫七惡也五善者病  
在腑在腑者輕七惡者病在臟在臟者危也

齊氏曰病有證合七惡皮急緊而如善者病有證合五善而皮  
緩虛如惡者夫如是豈淺識之所知哉然五善并至則善無  
加矣七惡并至則惡之極矣凡五善之中乍見一二善證瘡

可治也七惡之內忽見一二惡證宜深懼之大抵瘡疽之發  
虛中見惡證者不可救實證無惡候者自愈又凡膿潰之後  
而煩疼不除診其脉洪數粗散者難痊微澁遲緩者易愈此  
善惡之證於診候中亦可知也若發背腦疽及諸惡瘡別有  
五逆之證者白睛青黑而眼小服藥而嘔傷痛渴甚膊項中  
不便音嘶色敗者是爲五逆其餘熱渴利嘔蓋毒氣入裏臟  
腑之傷也可隨證以治之出外科精義 宋齊德之著

陳氏曰病有甚而致生有微而致死病證難辨死生何從決乎  
苔口發背潰透內膜者死未潰內陷面赤唇黑便污者死煩  
悶者不治潰喉者不治陰患入腹者不治入裏者不治鬢深  
寸許者不治頤後一寸三分名銳毒亦不治無此者生流注  
雖多療之必愈 出外科精義 宋 臨江陳自明著

發揮曰大抵發背腦疽脫疽腫痛色赤者乃水衰火旺之色

可治若黑若紫則火極似水之命乃其腎水已竭精氣枯涸也決不治又骨髓不枯臟腑不敗者可治若老弱患此瘡頭不起或腫硬色夭堅如牛領之皮脉更滿此精氣已絕矣不可治或不待潰而死有潰後氣血不能培養者亦死

立齋曰瘡瘍之證有五善七惡善者勿藥自愈惡者乃五臟虧

損之證多因元氣虛弱或因膿水出多氣血虧損或因汗下

失宜營衛消鑠或因寒涼剋伐血氣不足或因峻厲之治胃

氣受傷以致真氣虛而邪氣實外似有餘而內實不足法當

純補胃氣多有可生不可因其證惡遂棄而不治○若大渴

發熱或泄瀉淋閉者邪火內淫一惡也竹葉黃芪湯血氣俱

虛八珍湯加黃芪麥冬五味山茱萸如不應佐以加減八味

丸煎服○膿血既洩腫痛尤甚膿色敗臭者胃氣虛而火盛

二惡也人參黃芪湯如不應用十全大補湯加麥冬五味○

目視不正黑睛紫小白睛青赤腫子上視者肝腎陰虛而目  
系急三惡也六味丸料如或陰中有火加炒山梔麥冬五味  
如不應入珍湯加炒山梔麥冬五味喘粗短氣恍惚嗜臥  
者脾肺虛火四惡也六君加大棗生薑如不應用補中益氣  
湯加麥冬五味心火刑剋肺金人參平肺散陰火傷肺六味  
丸加五味子煎服○肩背不便四肢沉重者脾腎虧損五惡  
也補中益氣湯加熟地山藥山茱萸五味如不應用十全大  
補湯加山茱萸山藥五味○不能下食服藥而嘔食不知味  
者胃氣虛弱六惡也六君子湯加木香砂仁如不應急加附  
子○聲嘶色敗唇鼻青赤面目四肢浮腫者脾肺俱虛七惡  
也補中益氣湯加大棗生薑如不應用六君子湯加炮薑更  
不應急加附子或用十全大補湯加附子炮薑○腹痛泄瀉  
欬逆昏憤者陽氣虛寒氣滯之惡證也急用托裏溫中湯

後用六君子湯加附子或加薑桂溫補此七惡之治法也○  
此外更有潰後發熱惡寒作渴或怔忡驚悸寤寐不寧牙關  
緊急或頭目赤痛自汗盜汗寒戰咬牙手撒身熱脈洪大按  
之如無或身熱惡衣欲投於水其脈浮大按之微細衣厚仍  
寒此血氣虛極傳變之惡證也○若手足逆冷肚腹疼痛泄  
利腸鳴飲食不入呃逆嘔吐此陽氣虛寒氣所乘之惡證也  
○若有汗而不惡寒或無汗而惡寒口噤足冷腰背反張頸  
項強勁此血氣虛極變瘳之惡證也俱急用參芪歸朮熟地  
附桂之屬救之間有可生者宋時齊院令雖嘗纂其狀而未  
具其因皇明陶節菴雖各立一方亦簡而未悉予故補其缺  
云

又曰前證善者乃五臟未傷病微邪淺使能慎起居節飲食  
則勿藥自愈惡者乃五藏虧損之證前哲雖云不治若能補

其脾胃固其根本多有可生者豈可以其惡而遂棄之耶

虛實五

齊氏曰瘡疽之證有臟腑氣血上下真邪虛實不同也不可

辨如腫起堅硬膿稠者瘡疽之實也腫下軟漫膿稀者瘡疽

之虛也○大便硬小便瀦飲食如故腸滿膨脹胸膈痞悶肢

疼痛口苦咽乾煩躁多渴身熱脉大精神悶塞者悉臟腑

之實也瀉利腸鳴飲食不入嘔吐無時手足厥冷脉弱皮寒

小便自利或小便短少大便滑利聲音不振精神困倦悉臟

腑之虛也○凡瘡疽腫起色赤寒熱疼痛皮膚壯熱膿水稠

粘頭目昏重者血氣之實也凡膿水清稀瘡口不合聚腫不

赤不堪熱痛肌寒肉冷自汗色天者氣血之虛也○頭痛鼻

塞目赤心驚咽喉不利口舌生瘡煩渴飲冷睡語咬牙者上

實也情滑不禁大便自利腰腳沉重睡臥不寧者下虛也○

腫焮尤甚痛不可近寒熱往來天便秘澀小便如淋心神煩悶恍惚不寧者邪氣之實也肩背不便四肢沉重目視不正睛不瞭瞭食不知味音嘶色敗四肢浮腫多日不潰者真氣之虛也○又曰邪氣勝則實真氣奪則虛○又曰諸痛爲實諸痒爲虛也○又曰診其脈洪大而數者實也細微而軟者虛也虛則補之和其氣以托裏也實則瀉之疎利而導其滯也內經曰血實則決之氣虛則挈引之○又曰形傷痛氣傷腫先腫而後痛者形傷氣也先痛而後腫者氣傷形也

精要曰凡瘡疽腫高痛甚煩渴飲冷此病氣元氣俱有餘宜用清熱消毒散仙方活命飲爲主若腫高痛甚口乾飲熱此病氣有餘元氣不足宜用托裏消毒散爲主若漫腫微痛食少體倦此病氣元氣俱不足宜用六君補中二湯壯其脾胃則未成者消已成者潰已潰者斂矣



心法曰凡瘡口不合膿水清稀氣血俱虛也飲食少而難化脾胃虛寒也肌體瘦弱面色痿黃膽氣不行也非參芪歸朮之類不能補非附子不能助其功今飲食進少且難消化屬脾胃虛寒蓋脾胃屬土乃命門火虛不能生土而然不宜直補脾胃當服八味丸補火以生土也

立齋曰瘡瘍之作當審其標本虛實邪正緩急而治之若病急而元氣實者先治其標病緩而元氣虛者先治其本或病急而元氣又虛者必先於治本而兼以治標大要腫高焮痛膿水稠粘者元氣未損也治之則易漫腫微痛膿水清稀者元氣虛弱也治之則難不腫不痛或漫腫黯黑不潰者元氣虛甚治之尤難也○主治之法若腫高焮痛者先用仙方活命飲解之後用托裏消毒散○漫腫微痛者用托裏散如不應加薑桂○若膿出而反痛者氣血虛也八珍湯○不作膿不

腐潰陽氣虛也四君加歸芪肉桂○不生肌不收  
也四君加地黃木香○惡寒憎寒陽氣虛也十全

芩虛  
芩

附○晡熱內熱陰血虛也四物加參朮○欲嘔作嘔胃氣虛  
也六君加炮薑○自汗盜汗五臟虛也六味丸料加五味子  
○食少體倦脾氣虛也補中益氣加茯苓半夏○喘促欬嗽  
脾肺虛也前湯加麥門五味○欲嘔少食脾胃虛也人參理  
中湯○腹痛泄瀉脾胃虛寒也附子理中湯○小腹痛足脛  
腫脾腎虛也十全大補湯加山藥山藥肉桂○泄瀉足冷脾  
腎虛寒也前藥加桂附○熱渴淋秘腎虛陰火也加減八味  
丸○喘嗽淋秘肺腎虛火也補中益氣湯加減八味丸  
又曰大凡虛怯之人不必分其腫潰惟當先補胃氣或疑參  
芪滿中間有用者又加發散敗毒所補不償所損又有泥於  
氣質素實或有痰不服補劑者多致有誤殊不知瘡瘍之作

緣陰陽虧損其膿既泄則氣血愈虛豈有不宜補者哉故丹溪曰但見腫痛察之脈證虛弱便與滋補氣血無虧可保終吉旨哉斯言

又曰氣無補法俗論之以其爲病痞滿壅塞似難於補不知正氣虛而不能運行則邪氣滯而爲病經云壯者氣行則愈怯者弱者則著而爲病苟不用補氣何由而行乎

淺深辨六

齊氏精義曰瘡候多端欲辨淺深直須得法簡而論之則瘡疽既舉有三腫高而軟者發於血脉腫下而堅者發於筋骨皮肉之色不變者發於骨髓○又曰凡療瘡疽以手按搖瘡腫根窄而大者深也根小而浮者淺也又驗其人初生瘡之時便覺壯熱惡寒拘急頭痛精神不寧煩躁飲冷者其瘡疽必深也若人雖患瘡疽而起居平和飲食如故者其瘡浮淺也

惡瘡初生其頭如米粟微似有痛痒誤觸破之卽熨展覺有深意速服犀角升麻湯及漏蘆湯通氣等藥取通利踈暢兼用浴毒湯溺潰之類若浮淺者貼膏維求差以此推之則深淺之辨始終之次也○又曰憎寒壯熱所患必深肉色不變發於內也

曾氏曰凡癰疽其脉浮數洪緊腫焮作痛身熱煩渴飲食如常此六府不和毒發於外而爲癰其勢雖急投以涼劑多保全生其脉沉細伏緊初發甚微或無瘡頭身不熱而內躁體重煩疼情緒不樂胸膈痞悶飲食無味此五臟不和毒畜於內而爲疽急投五香連翹湯或神仙截法蠟礬丸製甘草湯防托毒氣免致變證內攻尤宜當頭隔蒜灸若塗毒藥迷其眩理投涼藥虛其真氣故善惡之證在乎醫之工拙耳或氣噫痞塞欬逆身冷自汗目眩耳聾恍惚驚悸語言顛倒皆深惡

證也五善見三則瘥七惡見四則危五善并至則善無以加七惡並臻則惡之極矣

李氏曰疽初發一粒如麻豆發熱腫高熱痛色赤此爲外發熱雖熾盛治得其法可保其生若初時不發熱體倦怠患處如故數日不腫痛內臟已壞雖有盧扁之藥亦未如之何矣立齋曰前證有因元氣虛而不能發出者有因敷貼寒藥而不能發出者有因攻伐過傷氣血而不能發出者有因熱毒內蘊而失踈托者審而治之多有生者

總論治法

瘡瘍之治有宜瀉者有宜補者有宜發散者有宜調營解毒者因證用藥各有所主經曰形氣有餘病氣有餘當瀉不當補形氣不足病氣不足當補不當瀉此其大綱也故凡察病之法若其脉見滑實洪數而焮腫痛甚煩熱痞結內外俱壅者

方是大實之證此其毒在臟腑非用硝黃猛峻等劑蕩而遂之則毒終不解故不得不下然非有真實真滯者不可下此下之不可輕用也其有脉見微細血氣素弱或腫而不潰潰而不斂或飲食不加精神疲倦或嘔吐泄瀉手足常冷膿水清稀是皆大虛之候此當全用溫補固無疑矣然不獨此也卽凡見脉無洪數外無煩熱內無壅滯而毒有可慮者此雖非大虛之證然察其但無實邪便當托裏養營傾顧元氣何也蓋恐困苦日久或膿潰之後不待損而自虛矣及其危敗臨期能及哉故丹溪云癰疽因積毒在臟腑宜先助胃壯氣以固其本夫然則氣血凝結者自散膿瘀已成者自潰肌肉欲死者自生肌肉已死者自腐肌肉已潰者自斂若獨攻其瘡則脾胃一虛七惡蜂起其不死者幸矣卽此謂也其有脉見緊數發熱憎寒或頭痛或身痛或四肢拘急無汗是必時

氣之不正外閉皮毛風熱壅盛而爲癰腫此表邪之宜散者也如無表證則不宜妄用發散以致亡陽損衛故仲景曰瘡家不可汗此之謂也其有營衛失調氣血留滯而偶生癰腫但元氣無損飲食如常脈無凶候證無七惡此其在腑不在臟在表不在裏有熱者清其熱有毒者解其毒有滯者行其氣所當調營和衛而從平治者也大都瘡瘍一證得陽證而病氣形氣俱有餘者輕得陰證而形氣病氣俱不足者重若正氣不足而邪毒有餘補之不可攻之攻之不可者危若毒雖盡去而脾腎已敗血氣難復者總皆不治之證故臨證者當詳察虛實審邪正辨表裏明權衡倘舉措畧乖必遺人大害斯任非輕不可苟也

上海臧元戎曰若人氣血壅盛營衛克滿抑遏不行腐化而爲癰者當泄之以奪其盛熱之氣若人飲食少思精神衰弱營

衛短濇寒搏而爲癰者當補之以接其虛怯之氣丹溪亦曰  
腫瘍內外皆虛宜以補接行散爲主

東垣曰瘡疽之發其受之有內外之別治之有寒熱之異受之  
外者法當托裏以溫劑反用寒藥則使皮毛始受之邪引入  
骨髓受之內者法當疎利以寒劑反用溫藥托裏則使骨髓  
之病上徹皮毛表裏通潰共爲一瘡助邪爲毒苦楚百倍輕  
則危殆重則死矣○病機機要云內之外者其脈沉實發熱  
煩躁外無焮赤痛深於內其邪氣深故宜疎通臟腑以絕其  
源外之內者其脈浮數焮腫在外形證外顯恐邪氣極而內  
行故先宜托裏也內外之中者外無焮惡之氣內亦臟腑宣  
通知其在經當和營衛也用此三法之後雖未卽瘥必無變  
證亦可使邪氣峻減而易愈故治瘡大要須明此托裏疎通  
和營衛之三法



陳良甫曰諸痛痒瘡瘍皆屬心火前輩云癰疽多生於丹石房勞之人凡人年四十以上宜先用內托散次用五香連翹湯更以一竹馬法或隔蒜灸足三里以發泄其毒蓋邪之所湊其氣必虛留而不去其病乃實故癰疽未潰則一毫熱藥斷不可用癰疽已潰臟腑既虧一毫冷藥亦不可用猶忌敷貼之藥閉其毫孔若熱渴便閉脈沉實洪數者宜用大黃等藥以泄其毒後以國老膏萬金散黃礬丸遠志酒之類選而用之

立齋曰按前證若熱毒蘊於內大便秘結元氣無虧者宜用大黃等藥泄其熱毒若陰虛陽奏精虛氣怯脾胃虛弱者宜用甘溫之劑培其本源若瘡不焮腫不作膿者雖其未潰仍須溫補若瘡已潰而腫不退痛不止者仍宜清涼之劑治之若病急而元氣實者先治其標病緩而元氣虛者先治其本或

病急而元氣更虛者必先治本而兼以治標大抵腫高焮痛  
膿水稠粘者元氣未損也治之則易漫腫微痛膿水清稀者  
元氣虛弱也治之則難不腫不痛或漫腫色黯不潰者發於  
陰也元氣虛甚理所不治若腫高焮痛者先用仙方活命飲  
後用托裏消毒散漫腫微痛者宜托裏散如不應加薑桂若  
膿出而反痛氣血虛也八珍湯不作膿不腐潰陽氣虛也四  
君加歸芪肉桂不生肌不收斂脾氣虛也十全大補加薑桂  
晡熱內熱陰血虛也四物加參朮欲嘔作嘔胃氣虛也六君  
加炮薑白汗盜汗五臟虛也六味丸加五味子食少體倦脾  
氣虛也補中益氣加茯苓半夏喘促欬嗽脾肺虛也前湯加  
麥門五味欲嘔少食脾胃虛也人參理中湯腹痛泄瀉脾胃  
虛寒也附子理中湯小腹痞足脛腫脾腎虛弱也十全大補  
加山茱山藥肉桂泄瀉足冷脾腎虛寒也前藥加桂附熱渴

淋閉腎虛陰火也加減八味丸喘嗽淋閉肺腎虛火也補中  
益氣湯加減八味丸凡此變證皆因元氣虧損失於預補所  
致○又曰凡瘡瘍用藥當審其經絡受證標本虛實以治之  
不可泥於熱毒內攻專用寒涼剋伐之劑虧損脾胃氣血多  
致有誤且以虛弱之人用峻利之藥則藥力未到胃氣先傷  
虛虛之禍有所不免故凡元氣不足者卽治其初患更當內  
用參芪歸朮溫補脾胃外用桑枝葱熨接補陽氣使自消散  
又曰凡癰疽腫痛初生便覺脈沉細而煩悶臟腑弱而皮寒  
邪毒猛暴恍惚不寧外證深沉者亦當卽用托裏散及溫熱  
之劑以從治之○又曰前證若發熱煩渴大便秘結者由邪  
蓄於內宜內疎黃連湯以泄內毒若頭痛拘急發熱惡寒者  
由邪客於外宜人參敗毒散以散表邪若腫痛焮赤發熱作  
渴此毒氣凝於肉裏宜仙方活命飲解散其毒若食少體倦

發熱惡寒此中氣虛弱宜六君子湯以補脾胃○又曰大抵證有本末治有權宜治其主則未病自退用其權則不拘於時泥於守常必致病勢危甚况雜用攻劑動損各經乎羅謙甫云守常者衆人之見知變者智者之事知常而不知變因細事而取敗者多矣

凡癰疽實證不可溫補虛證不可涼瀉此大法也昔前值陳良甫曰凡瘡瘍未潰一毫熱藥斷不可用癰疽已潰臟腑已虧一毫冷藥亦不可用又立齋云若腫焮痛甚煩躁脉大寒熱往來大便秘結小便澀痛心神憤悶皆邪熱之證凡辛熱之劑不但腫瘍不可用雖潰瘍亦不可用也此固然矣然二公已道其半猶未盡也余讀之曰凡癰疽陰盛陽衰者但見體虛脉弱陽氣無權等證則凡苦寒之劑非惟潰瘍不可用卽腫瘍亦不可用也又若陰邪凝結之毒非用溫熱何以運行

而陳氏謂腫瘍不可用熱藥恐不可以槩言也

### 敗毒八

外科樞要曰瘡瘍之證當察經之傳受病之表裏人之虛實而  
攻補之假如腫痛熱渴大便秘結者邪在內也踈通之焮腫  
作痛寒熱頭疼者邪在表也發散之焮腫痛甚者邪在經絡  
也和解之微腫微痛而不作膿者氣血虛也補托之漫腫不  
痛或不作膿或膿成不潰者氣血虛甚也峻補之色黯而微  
腫微痛或膿成不出或腐肉不潰陽氣虛寒也溫補之若泥  
其未潰而槩用敗毒復損脾胃不惟腫者不能成膿而潰者  
亦難收斂七惡之證蜂起多致不救馬益卿曰腫瘍內外皆  
壅宜以托裏表散爲主如欲用大黃寧無孟浪之非潰瘍內  
外皆虛宜以托裏補接爲主如欲用香散未免虛虛之失治  
者審之

托裏九

齊德之曰凡瘡疽丹腫結核癰癩初覺有之卽用內消之法經久不除血氣漸衰肌寒肉冷膿汁清稀毒氣不出瘡口不合聚腫不赤結核無膿外證不明者並宜托裏膿未成者使膿早成膿已潰者使新肉早生血氣虛者托裏補之陰陽不和托裏調之大抵托裏之法使瘡無變壞之證凡爲瘡醫不可一日無托裏之藥然而寒熱溫涼煩渴利嘔臨證宜審其緩急耳

馬益卿曰癰疽因積毒在臟腑當先助胃壯氣使根本堅固次以行經結血藥爲佐叅以經絡時令務使毒氣外泄治之早者可以內消此托裏之旨也

立齋曰大凡瘡瘍之作由胃氣不從瘡瘍之潰由胃氣腐化瘡瘍之歛由胃氣營養余嘗治初結未成膿者托而散之已成

欲作膿者托而癩之膿成未潰者托而開之膿已潰者托而  
歛之東垣云脾爲倉廩之官胃爲水穀之海主養四旁以生  
血氣故胃氣乃生發之源爲人身之本厥有旨哉

### 論汗下十

仲景治傷寒有汗吐下三法東垣治瘡瘍有疎通托裏和營衛  
之三法用之得宜厥疾瘳矣假如瘡瘍腫硬本悶煩熱便秘  
脈沉而實其邪在內當先疎其內以下之焮腫作痛便利調  
和脈浮而洪其邪在表當先托其裏以汗之仲景曰瘡家雖  
身體疼痛不可發汗汗之則發瘞苟不詳審而妄爲汗下以  
致血氣虧損毒反延陷少壯者難以潰歛老弱者多致不救

見外科  
樞要

羅謙甫云丁巳歲冬月予從軍曹州有牛經歷者病頭目赤腫  
耳前後尤甚疼痛不可忍發熱惡寒牙關緊急涕唾稠粘飲

食難下不得安臥一瘍醫於腫上砭刺四五百鍼腫亦不成  
其痛益甚莫知所由予往診視其脉浮緊按之洪緩此證乃  
寒覆皮毛鬱遏經絡熱不得散聚而爲腫經云天寒則地凍  
水冰人氣在身中皮膚緻密腠理閉汗不出氣血強肉堅濟  
當是之時善行水者不能往冰善穿地者不能鑿凍善用鍼  
者亦不能取四厥必待天溫凍解而後水可行地可穿人脉  
亦猶是也又云冬月閉藏用藥多而少鍼石也宜以苦溫之  
劑溫經散寒其病自已所謂寒燬燬理以苦發之以辛散之  
也遂用托裏溫經湯依方餌之以薄衣覆其首以厚被覆其  
身臥於煖處使經血溫腠理開寒氣散陽氣升大汗出後腫  
減八九再服則去麻黃防風加連翹鼠粘子腫痛悉愈經言  
汗之則瘡已信哉斯言或云仲景言瘡家雖身痛不可發汗  
其理何也余曰此說乃營氣不從逆於肉理而生瘡腫作身



疼痛非外感寒邪之病故戒之以不可發汗汗之則成瘧也  
又問仲景言鼻衄者不可發汗復言脈浮緊者當以麻黃湯  
發之衄血自止所說不同其故何也予曰此正與瘧家槩同  
夫人身血之與汗異名而同類奪汗者無血奪血者無汗今  
衄血妄行爲熱所逼更發其汗是反助熱邪重竭津液必變  
凶證故不可汗若脈浮則在表脈緊則在裏寒邪鬱遏陽不  
得伸熱伏營中迫血妄行上出於鼻故當用麻黃湯散其寒  
邪使陽氣得舒其血自止又何疑焉或者嘆曰知其要者一  
言而終不知其要流散無窮潔古之學可謂知其要者矣  
東垣云瘡瘍有因風熱外鬱其人多怒其色赤其腫高結硬而  
痛其脈洪緊而弦是邪客於血脈之上皮膚之間故發其汗  
而通其營衛則邪氣去矣○又曰瘡瘍諸病凡面赤者雖伏  
大熱禁不得攻裏攻裏則下利此以陽邪怫鬱在經宜發表

以去之故曰火鬱則發之雖大便數日不見宜多以其表以發散陽氣少加潤燥之藥以潤之如見風脈風證只宜用風藥發表風邪解則大便自通也若只乾燥閉澁止宜潤之不可下也但瘡瘍鬱胃俗呼昏迷是也宜汗之則愈

勿虞世云凡癰疽始作須以大黃等藥亟轉利之勿以困苦爲念與其潰爛而死不若利之而死况有生道哉古人立法率用五香連翹漏蘆等藥貧乏者單煮大黃湯以利之至於膿潰乃服黃芪等藥以排膿千金外臺備矣世以瘡發於外不行轉利而死者多矣○立齋曰按前證若腫高焮痛臟腑閉結屬內外俱實者當用前藥瀉之若漫腫微痛臟腑不實屬內外俱虛者當用內托補之若患腫無頭肉色不變當助胃壯氣令其內消若疼痛不止焮腫不消當用人參黃芪湯以托裏排膿若飲食少思肌肉不生當用參芪托裏散以補養

脾胃

立齋曰王德之患發背脉浮數按之則嚮大便五六日不行腹不加脹余曰邪在表不在裏但因氣血虛飲食少故大便不行非熱結也宜生氣血爲主彼不信以爲積毒在內仍用大黃遂連瀉不止更加發熱呃逆飲食不進而死其子曰瀉亦能爲害乎余曰服利藥而利不止者死不當瀉而強瀉令人洞腸不禁者死下多亡陰者死曰瘡瘍乃積毒在臟若不驅逐何以得解余曰瘡瘍雖積毒在臟腑治法先當助胃氣使根本堅固叅以行經活血時宜之藥非宜妄用大黃也今其病在表而反以峻利之劑重奪其陰其可乎哉故曰表病裏和而反下之則中氣虛表邪乘虛而入由是變證百出雖云脉浮數者邪在表當用托裏復煎散然其間黃芩蒼朮亦不敢妄用脉沉實者邪在裏當用內躉黃連湯然其中大黃檀

椰亦不敢妄用况浮數潛主氣血皆虛且邪既在表而反用峻劑重傷其裏誅伐無過不死何俟

愚謂瘡腫之屬表邪者惟時毒丹毒斑疹及頭面頸項上焦之證多有之察其果有外邪而脈見緊數證有寒熱者方宜表散然散之之法又必辨其陰陽盛衰故或宜溫散或宜涼散或宜乎散或宜兼補而散或宜解毒而散此散中自有權宜也○又如裏證用下之法則毒盛勢劇者大下之滯毒稍輕者微下之營虛便結而毒不解者養血滋陰而下之中氣不足而便結壅滯者潤導而出之凡此皆通下之法但宜酌緩急輕重而用得其當耳故必察其毒果有餘及元氣壯實下之必無害者方可用下否則不但目前且尤畏將來難結之患是以表證不真者不可汗汗之則亡陽裏證不實者不可下下之則亡陰亡陰亦死亡陽亦死醫固可以孟浪乎

論灸法 十一

王海藏曰瘡瘍自外而入者不宜灸自內而出者宜灸外入者托之而不內內出者接之而令外故經曰陷者灸之灸而不痛痛而後止其灸灸而不痛者先及其潰所以不痛而後及良肉所以痛也灸而痛不痛而後止其灸灸而痛者先及其未潰所以痛而次及將潰所以不痛也

李氏云治疽之法灼艾之功勝於用藥蓋使毒氣外泄譬諸盜入人家當開門逐之不然則入室為害矣凡瘡初發一二日須用大顆獨蒜切片三分厚貼疽頂以艾隔蒜灸之每三壯易蒜瘡潰則貼神異膏如此則瘡不開大肉不壞瘡口易斂一舉三得此法之妙人所罕知若頭頂見疽則不可用此法

五府極 觀碑載

又曰凡患背疽漫腫無頭者用濕紙貼腫處但一點先乾處

乃是瘡頭可用大蒜十顆淡豆豉半合乳香錢許研爛置瘡上鋪艾灸之痛否皆以前法爲度

陳氏曰腦爲諸陽之會頸項近咽喉腎命乃致命之所皆不可灼艾

伍氏曰凡用蒜餅灸者蓋蒜味辛溫有毒主散癰疽假火勢以行藥力也有只用艾炷灸者此可施於頑疽癩發之類凡赤腫紫黑毒甚者須以蒜艾同灸爲妙○又曰凡治疽癰發背疔瘡若初灸卽痛者由毒氣輕淺灸而不痛者乃毒氣深重悉宜內服追毒排膿外傳消毒之藥大抵癰疽不可不痛又不可大痛悶亂不知痛者難治○又曰凡隔蒜灸者不論壯數則邪無所容而真氣不損但頭項見瘡宜用騎竹馬法及足三里灸之

千金云癰疽始作或大痛或小痛或發如米粒卽便出膿宜急

斷口味利去其毒用騎竹馬灸法或就患處灼艾重者四面中央總灸一二百壯更用敷藥其效甚速

立齋云夫瘡瘍之證有諸中必形諸外在外者引而拔之在內者踈而下之灼艾之功甚大若毒氣鬱結瘀血凝滯輕者或可藥散重者藥無全功矣東垣曰若不針烙則毒氣無從而解是故善治毒者必用隔蒜灸合是而用苦寒敗毒等劑其壯實內熱者或可彼怯弱氣虛者未有不敗者也又有毒氣沉伏或年高氣弱或服剋伐之劑氣益以虛膿因不潰者必假火力以成功大凡蒸灸若未潰則拔引鬱毒已潰則接補陽氣祛散寒邪瘡口自合其功甚大嘗治四肢瘡瘍氣血不足者祇以前法灸之皆愈疔毒甚者尤宜灸蓋熱毒中隔內外不通不發泄則不解散若處貧居僻一時無藥則用隔蒜灸法尤便每三壯一易蒜片大槩以百壯為度用大蒜取其

辛而能散用艾炷取其火力能透如法灸之必瘡發膿潰繼以神異膏貼之不日自愈一能使瘡不開大二內肉不壞三瘡口易合見效甚神丹溪云惟頭爲諸陽所聚艾壯宜小而少○曹工部發背已十八日瘡頭如粟瘡內如錐痛極時有悶督飲食不思氣則愈虛以大艾隔蒜灸十餘壯尙不知而痛不減遂明灸二十餘壯內瘡悉去毒氣大發飲食漸進更以大補藥及桑木燃灸瘀肉漸潰○劉貫卿足患疔瘡已十  
一曰氣弱亦灸五十餘壯更以托裏藥而愈○黃君腿癰膿清脉弱一婦臂結一塊已潰俱不收斂各灸以豆鼓餅更飲托裏藥而愈○一男子胸腫一塊半載不消令明灸百壯方潰與大補藥不斂復灸以附子餅而愈○一男子患發背瘡頭甚多腫硬色紫不甚痛不腐潰以艾鋪患處灸之更以大補藥數日死肉脫去而愈○陳工部患發背已四五日瘡頭



雖小根畔頗大以隔蒜灸三十餘壯其根內消惟瘡頭作膿  
數日而愈○余丙子年忽惡心大惟骨甚痒須臾臂不能舉  
神思甚倦此天疽危病也急隔蒜灸之痒愈甚又明灸五十  
餘壯痒遂止旬日而愈精要云灸法有回生之功信矣薛按  
史氏引證曰瘍醫常器之於甲戌年診太學史氏之母云內有  
蓄熱防其作疽至辛巳六月果背脾微痒瘡粒如黍灼艾卽  
消隔宿復作用膏藥覆之暈開六寸許痛不可勝歸咎於艾  
適遇一僧自云病瘡甚危嘗灸八百餘壯方甦遂用大艾壯  
如銀杏者灸瘡頭及四傍各數壯痛止至三十餘壯赤暈悉  
退又以艾作團如梅杏大者四十壯乃食粥安寢瘡突四寸  
小竅百許患肉俱壞而愈○立齋曰灼艾之法必使痛者灸  
至不痛不痛者灸至痛則毒必隨火而散否則非徒無益而

反害之

愚意癰疽爲患無非血氣壅滯畱結不行之所致凡大結大滯者最不易散必欲散之非藉火力不能速也所以極宜用灸然又有孫道人神仙薰照方其法尤精尤妙若毒邪稍緩邪深經遠而氣有不達灸之爲良若毒烈熾盛其勢猛急而垂危者則宜用薰照方更勝於灸也

膿針辨 十二

齊氏曰若發腫都輒而不痛者血痛也發腫日漸增長而不大熱時時牽痛者氣痛也氣結微腫久而不消後亦成膿此是寒熱所爲也畱積經久極陰生陽寒化爲熱以此潰者必多成癭宜早服內塞散以排之○又凡察癰疽以手掩其上大熱者膿成自輒也若其上薄皮剥起者膿淺也其腫不甚熱者膿未成也○若患癰癧結核寒熱發渴經久不消其人面色萎黃者被熱上蒸已成膿也○至於臟腑腸胃內瘡內疽

其疾隱而深藏目既不見手不能近所爲至難但以診脉而辨之亦可知也有患胃脘癱者當候胃脉胃脉者人迎也其脉沉數氣逆則甚甚則熱聚胃口而胃脘爲癱也若其脉洪數者膿已成也設脉遲緊雖膿未就已有瘀血也宜急治之不爾則邪氣內攻腐爛腸胃不可救也○又肺癱論曰始萌則可救膿成卽死不可不慎也久之致膿如粳米粥者不治嘔膿而止者自愈也○又腸癱論曰或遠臍生瘡膿從瘡出者有出臍中者惟大便下膿血者自愈也

伍氏曰瘡腫赤色按之色不變者此膿已成也按之隨手赤色者其亦有膿也按之白色良久方赤者此遊毒已息可就赤白盡處灸斷赤腫自消凡癱宜以手按之若牢硬未有膿也若半軟牛鞭已有膿也又按腫上不熱者爲無膿熱甚者爲有膿宜急破之

正氣曰瘡瘍之證毒氣已結者但可補其氣血使膿速成膿成者當驗其生熟淺深視其可否針而去之不可論內消之法小按便痛者膿淺也大按方痛者膿深也按之不復起者膿未成也按之即復起者膿已成也膿生而用鍼氣血既泄膿反難成膿熟而不鍼則腐潰益深瘡口難斂若瘡深而針淺內膿不出外血反泄若瘡淺而針深內膿雖出長肉受傷若元氣虛弱必先補而後針勿論尻神其膿一出諸證自退若膿出而反痛或煩躁嘔逆皆由胃氣虧損也宜急補之○若背瘡熱毒熾盛中央肉黯內用托裏壯其脾肉外用烏金膏牽於黯處其赤處漸高黯處漸低至六七日間赤黯分界自有裂紋如刀割然黯肉必漸潰矣當用鉏針利剪徐徐去之須使不知疼痛不見鮮血爲妙若雖有裂紋膿未流利及膿水雖出而仍痛者皆未通於內僉用針於紋中引之○若患

于背髀之間凡人背近脊處并髀皮裏有筋一層患此處者  
外皮雖破其筋難潰以致內膿不出令人脹痛苦楚氣血轉  
虛變證百出若待自潰多致不救必須開之引之兼以托裏  
常治此證以利刀剪之尙不能去以此堅物待其自潰不反  
甚乎此非氣血壯實者未見其能自潰也○若元氣虛弱而  
誤服剋伐患處不痛或肉將死急須溫補脾胃亦有生者後  
須純補之藥庶可收斂若妄用刀針去肉出血則氣血愈虛  
愈傷矣何以生肌收斂乎大凡瘡瘍膿血既潰當大補血氣  
爲先須有他證當以未治○又曰凡瘡不起者托而起之不  
成膿者補而成之使不內攻膿成而及時針之不數日卽愈  
矣常見患者皆畏針痛而不肯用又有恐傷肉而不肯用殊  
不知瘡雖發於肉薄之所若其膿成必腫高寸餘瘡皮又厚  
分許用針深不過二分若發於背必腫高二三寸入針止於

寸許况患處肉既已壞何痛之有何傷之慮凡怯弱之人或  
患附骨等疽待膿自通以致大潰不能收斂氣血歷盡而已  
者爲多矣○又曰凡瘡既成膿皮膚不得踈泄味者待其自  
穿殊不知少壯而克實者或能自解若老弱之人氣血枯槁  
或兼攻發太過不行針刺膿毒乘虛內攻穿腸腐膜鮮不誤  
事若毒結四肢砭刺少緩則腐潰深大亦難收斂毒結於頰  
項胸腹緊要之地不問壯弱急宜針刺否則難治如沈氏室  
黃上含等皆以此而歿者多矣大抵瘡瘍之證感有輕重發  
有深淺淺者腫高而軟發於血脉深者腫下而堅發於筋骨  
然又有發於骨髓者則皮肉不變故古人制法淺宜砭而深  
宜刺使瘀血去於毒聚之始則易消若膿成之時氣血壯實  
者或自出怯弱者不行針刺鮮有不悞凡瘡瘍透膜十無一  
生雖以大補藥治之亦不能救此可爲待膿自出之戒也故

東垣云毒氣無從而解膿瘰無從而泄過時不烙反攻於內  
內既消敗欲望其生豈可得乎茲舉一二以告同道并使患  
者知所慎云○又曰凡患瘡疽雖因積熱所成若初起未成  
膿脈洪數乃陰虛陽亢之證若膿潰于內不得發泄於外身  
必發熱故脈見洪數乃瘡疽之病進也膿既去則當脈靜身  
涼腫消痛息如傷寒表證之得汗也若反發熱作渴脈洪數  
者此真氣虛而邪氣實也無疑矣○又曰若治元氣不足之  
證即其初患便當內用參芪歸朮溫補脾胃外用桑枝葱熨  
接補陽氣使自消散若久而不能成膿者亦用前二法補氣  
以速之若膿既成而不潰用艾於當頭灸數炷以出之却服

十全大補湯

論鍼法十三

上古有砭石之制內經有九針之別制雖不同而去病之意則

一也且瘡瘍一科用針爲貴用之之際雖云量其潰之淺深尤當隨其肉之厚薄若皮薄鍼深則反傷良肉益增其潰肉厚針淺則膿毒不出反益其痛用針者可不慎哉至於附骨疽氣毒流注及有經久不消內潰不痛者宜燔針開之若治咽喉之患當用三稜針若丹毒及癰毒四畔焮赤疼痛如灼宜用砭石去血以泄其毒則重者減輕者消如洪氏室患腹癰膿脹悶脅以臥針刺膿出卽蘇一人患囊癰膿熟腫脹小便不利幾殆急針之膿水大泄氣通而愈大抵用針之法迎而奪之順而取之所謂不治已成治未成正此意也今之患者或畏針而不用醫者又徇患者之意而不針遂至膿已成而不得潰或得潰而所傷已深矣卒之天枉者十常八九亦可悲矣

見外科心法

經曰天溫日明則人血淖溢而衛氣浮故血易瀉氣易行天寒



日陰則人血凝滯而衛氣沉是以因天時而調血脈也故凡  
遇天寒水水或陰氣凝滯之時欲行針刺則先當溫衣覆蓋  
或以艾葉炒熱或熱鹽熱衣類先熨其處務令血脈溫和而  
後刺之則血瀉氣行其病立已若血寒脈滯遠爾用針則邪  
毒不瀉徒傷良肉反以益其病也

立齋曰凡元氣虛弱者必當補助脾胃禁用刀針若妄用之而  
去肉去血使陽隨陰散是速其危也

薛按曰四明有屠壽卿者當門齒忽心如所擊痛不可忍脈洪大  
而弦余曰弦洪相搏將發瘡毒也先用清胃散加白芷銀花  
連翹一劑痛即止至晚鼻上發一瘡面腫黧痛用前藥加犀  
角一劑腫至兩額口出穢氣脈益洪大惡寒內熱此毒熾血  
瘀藥力不能敵也乃數砭患處出紫血服犀角解毒之藥翼  
日腫痛尤甚又砭患處與唇上并刺口內赤脈各出毒血再

服前藥至數劑而愈

用針勿忌尻神十四

立齋曰針灸之法有太乙人神周身血忌逐年尻神逐日人神而其穴有禁針禁灸之論犯者其病難瘳理固然也但瘡瘍氣血已傷肌肉已壞急宜避而奪之順而取之非平人針灸之比何忌之有外科精義云瘡瘍之證毒氣無從而解膿瘀無從而泄反攻於內內既消敗欲望其生豈可得乎危惡之證發於致命之所禍在反掌腹癰囊癰二便不通胸腹脹悶唇疔喉痹咽喉腫塞其禍尤速患者審之

鄰人蘇子遇之內左手指患疔麻痒寒熱惡心左半體皆麻脉數不時見余曰凡瘡不宜不痛不宜大痛煩悶者不治今作麻痒尤其惡也用奪命丹二服不應又用解毒之劑麻痒始去乃作腫痛余曰勢雖危所喜作痛但毒氣無從而泄欲針

之適值望日其家俱言屍神不從勢愈腫甚余強針之諸證頓退又用解毒之劑其瘡乃愈

薛按

圍藥 十五

內經云五臟不和則七竅不通六府不和則留結爲癰又云形傷痛氣傷腫此以臟腑不和而瘡發於外也明矣若塗貼寒涼豈能調和臟腑宜通氣血耶○若其腫痛熱渴脈滑數而有力證屬純陽者宜內用濟陰湯外用抑陽散則熱毒自解痰滯自散○若似腫非腫似痛非痛似潰不潰似赤不赤脈洪數而無力屬半陰半陽者宜內用中和湯外用陰陽散則氣血自和痰滯自消○若微腫微痛或色點不痛或堅硬不潰脈雖洪大按之微細軟弱屬純陰者宜內服回陽湯外敷抑陰散則脾胃自健陽氣自回也○丹溪曰敷貼之劑應酬輕小熱證耳若不辨其陰證陽證之所出分而妄敷寒涼之

劑則迷塞腠理凝滯氣血毒反內攻而肉反死矣况運氣得寒則不健瘀血得寒則不散敗肉得寒則不潰新肉得寒則不生治者審焉見外科樞要

立齋曰大抵瘡之起發潰斂皆血氣使然各入元氣虛實不同有不能發出而死者有發出不能成膿而死者有成膿不能腐潰而死者有腐潰不能收斂而死者敷貼之法但可應酬輕小之證耳若血氣已竭其患必死不但敷貼不效且氣血喜溫而惡寒腠理喜通而惡塞氣血因而愈滯腫患因而愈盛邪氣因而愈深腐潰因而愈大怯弱之人取效多矣况瘡瘍乃七情相火或食膏粱或餌金石以傷陰血陽盛陰虛受病於內而發於外若不別氣分血分陰陽虛實腐潰淺深卽服藥尙有不能保生者可敷貼而已乎

施一守項右患一核用涼藥敷貼頸皆腫又敷之腫胤胸腋冷

應腹內不悟涼藥所致尙以爲毒盛形體困憊自分不起延

余治之見其敷藥處熱氣如霧急令去藥良久瘡色變赤刺

出膿血用托裏藥而愈○張侍御發背專用敷藥瘡黯不起

胸膈悶氣不能呼吸自分不治余用辛溫托裏藥而愈○一

男子腎癰腐潰肌肉不生用藥敷之肌肉四沿及硬予診之

脉澁而弱此氣血俱虛不能營於患處故敷涼藥反硬乃血

氣受寒凝結而非毒也用大補藥而愈○一男子患胸疽腫

高作痛腫處敷藥痛雖止而色變黯腫外作痛仍敷之肉色

亦黯喉內作痛不悟此爲涼藥所誤反盡頸敷之其頸皆潰

而死○一男子因怒左脇腫一塊不作痛脉瀦而浮余曰此

用經邪火熾盛而真氣不足爲患宜培養血氣爲主彼以草

藥敷貼遂致不救○王安八發背正潰時欲速效敷以草藥

卽日而死○張宜人年踰六十患發背三月肉色不變頰如

粟許肩背腫脉洪數寒熱飲冷予以人參敗毒散二劑及  
蒜灸五十餘壯毒大發昔始輕再用托裏藥漸潰因血氣虛  
甚而作渴用參芪歸熟等藥而渴亦止彼欲速效乃自用草  
藥罨患處毒氣復入遂不救薛按

凡癰瘍腫痛宜用圍藥敷治者惟降癰散爲第一無論陰毒陽  
毒皆所宜也

### 腐肉十六

齊德之曰夫瘡瘍生於外皆由積熱蘊於內內經謂血熱肉敗  
榮衛不行必將爲膿留於節腠必將爲敗蓋瘡疽膿潰之時  
頭小未破瘡口未開或毒氣未出疼痛難忍所以立追蝕腐  
潰之法使毒氣外泄而不內攻惡肉易去好肉易生也若紅  
其瘡而血出不止者則未可紅於瘡上搽追蝕之藥待其熟  
可紅方紅若紅其瘡而痛應心根者亦不可強紅之誤觸其

瘡焮痛必倍變證不無不可不慎也若瘡癰膿成未破於上薄皮剝起者卽當用破頭代針之劑安其上以膏貼之膿出之後用搜膿化毒之藥取效如神矣若膿血未盡便用生肌歛瘡之劑欲其早愈殊不知惡肉未盡其瘡早合後必再發不可不慎也

立齋曰瘡瘍之證膿成者當辨其生熟淺深肉死者當驗其腐潰連晚余嘗治脉證虛弱者用托裏之藥則氣血壯而肉不死脉證實熱者用清熱之劑則毒氣退而肉自生凡瘡聚於筋骨之間肌肉之內皆因血氣虛弱用十全大補湯壯其脾胃則未成者自散已成者自潰又何死肉之有若不大痛或大痛或不赤或內膿不潰或外肉不癩乃血氣虛弱宜用桑枝灸及十全大補加薑桂壯其陽氣則四畔卽消瘡頭卽腐其毒自解又何待於針割若脾胃虛弱飲食少思用六君倍

加白朮壯其營氣則肌肉受毒者自潰已死者自活已潰者自斂若初起或因尅伐或犯房事以致色黯而不痛者乃陽氣脫陷變爲陰證也急用參附湯溫補回陽亦有可生○又曰夫腐肉者惡肉也大凡癰疽瘡腫潰後若有腐肉凝滯者必取之乃推陳致新之意若壯者筋骨強盛氣血克溢真能勝邪或自去或自平不能爲害若年高怯弱之人血脈少肌肉澁必迎而奪之順而取之是謂定禍亂以致太平設或留而不去則有爛筋腐肉之患如劉大尹汪夫人取之及時而新肉卽生得以全愈金工部鄭揮使取之失期大潰而斃予嘗見腐肉旣去雖少壯者不補其氣血尙不能收斂若怯弱者不取惡肉不補血氣未見其生也故古人曰壞肉惡於狼虎毒於蜂蠆緩去之則戕賊性命信哉○又曰瘡瘍之證若毒氣已結腫赤熾盛中央肉苑黯黑者內用托裏健脾之劑



外用烏金膏塗之則黯處漸低赤處漸起至六七日間赤黯之界自有裂紋如刀劃狀其黯漸潰若用鉞針利剪徐去猶好須使不知疼痛不見鮮血爲善若膿未流利宜用針於紋中引之若膿水已出腫痛仍作乃內筋間隔亦用針引之若元氣虛弱誤服尅伐之劑患處不痛或肉死不潰者急溫補脾胃亦有復生者後須純補脾胃庶能收斂此則不可妄用針刀若誤用之以去肉出血使陽隨陰散是速其危也

論外通用方

鉞頭散外一四四

去腐管代鉞膏外一四五

潰頭

透骨丹外一四三

潰頭

猪蹄湯外一二五

洗腐

舍時從證十七

立齋曰經云諸痛痒瘡皆屬於心若腫赤煩躁發熱大痛飲冷便秘作渴脉洪數實者爲純陽雖在嚴冬之時必用大苦寒

之劑以瀉熱毒若不腫不痛脉細皮寒瀉利腸鳴飲食不入  
嘔吐無時手足厥冷是爲純陰雖在盛暑之時必用大辛溫  
熱之劑以助陽氣不拘嚴寒盛暑但當舍時從證若微腫微  
痛似瀉不瀉時出清膿者爲半陰半陽宜用辛熱之劑溫補  
胃氣此亦治陰陽法也經曰用寒遠寒用熱遠熱有假者反  
之雖違其時必從其證若執常法無不誤矣○壬午仲冬金  
臺一男子患腹痛誤服乾薑理中丸卽時口鼻出血煩躁發  
狂人井而死○辛卯冬一吏患傷寒誤服附子藥一鐘下咽  
發躁奔走跌死○夫盛暑之際附子薑桂三藥並用連進三  
四劑無事嚴冬時合二三藥單用一味止進一劑者卽死可見  
羅謙甫先生有舍時從證權宜用藥之妙余宗此法凡冬間  
瘡證如脉沉實洪數大便秘瘡焮痛煩躁或飲冷不絕者卽  
用硝黃芩連之劑攻之雖在夏令而脉見虛弱或浮大瘡不

身居全書 卷之四十一  
潰膿清稀惡寒飲者卽用薑桂參芪之劑補之如脉見沉細  
瘡不潰不痛作呃逆手足冷大便不實或瀉利或腹痛更加  
附子皆獲大效昧者反以爲非惑亂患者恪守常法必使冬  
用溫熱夏用清涼以致誤人深可哀也 薛按

至元壬午五月二十八日王伯祿年逾五旬有七右臂膊腫甚  
上至肩下至手指色變皮膚涼六脉沉細而微此乃脉證俱  
寒余舉瘍醫孫彥和視之曰此乃附骨癰開發已遲以燔針  
熨之膿清稀解次日肘下再開之加呃逆不絕彥和與丁香  
柿蒂散兩劑稍緩次日呃逆尤甚自利臍腹冷痛腹滿飲食  
減少時發昏潰於左乳下黑盡處灸二七壯又處托裏溫中  
湯用乾薑附子木香沉香茴香兔活等藥咬咀一兩半欲與  
服或者曰諸痛瘡瘍皆屬心火又當盛暑之時用乾薑附  
子可乎予應之曰理所當然不得不然內經曰脉細皮寒瀉

利前後飲食不入此謂五虛况呃逆者胃中虛寒故也諸痛  
痒瘡瘍皆屬心火是言其定理也此證內外相反須當舍時  
從證非大方辛熱之劑急治之則不能愈也遂投之諸證悉  
去飲食倍進瘡勢溫膿色正疹和復用五香湯數服後月餘  
平復噫守常者衆人之見知變者知者之能知常不知變因  
細事而取敗者亦多矣况乎醫我見羅氏衛生寶鑑

愚意羅先生以舍時從證之法垂訓後人誠百世不磨之要道  
也但時之遷變本所難知而證之幽顯尤不易識何也蓋常  
人之所謂時者春夏秋冬之時也歲歲時常之主氣也誰不  
得而知之而不知五六周環則長夏有寒淫之令三冬有炎  
暑之權此則雖若舍時而實以從時昧者固能知此乎又如  
察證之法則凡脉細皮寒泄瀉厥冷之類是皆已見之寒證  
也又誰不得而知之不知其來有源其甚有漸卽諸證未見

身居全書 卷之四十一  
三  
之前而本來已具此際便難錯認使必待焦頭爛額而後曲  
突徙薪則已晚矣此羅先生之所以明已然而余則更爲慮  
未然蓋恐人之見之遲而無及於事也雖然余常見今人之  
於已然者尙不能見而復欲其見未然誠哉迂矣然余慨然  
之念則不能不道其詳而深望於知音者

陽氣

脫陷

十八

立齋曰瘡瘍陽氣脫陷或因尅伐之劑或因膿血大泄或因吐  
瀉之後或因誤以入房大凡消後勞後元氣虧損或憂遺精  
脫或脈數便血或外邪乘虛而入以致發熱頭痛小便淋瀝  
或目赤煩喘氣短頭暈體倦熱渴意欲飲水投水身熱增寒  
惡衣揚手擲足腰背反張鄭聲自汗脈浮洪大此無根虛火  
之假熱證也若畏寒頭痛欬逆嘔吐耳聾目矇小便自遺瀉  
利腸鳴裏急腹痛玉莖短縮齒牙浮痛肢體麻痺冷汗時出

或厥冷身痛咬舌嘔唇舌本強硬呃逆喘促脈微沉細此陽氣脫陷之真寒證也凡此危候無論脈證但見有一二急用參附湯或用托裏消毒散去連翹白芷金銀花三味急加桂附大劑補之多有復生者

內翰楊阜湖益夏患背疽服尅伐之劑二旬餘矣漫腫堅硬重如負石隔蒜灸五十餘壯背遂輕以六君加砂仁二劑涎沫涌出飲食愈少此脾虛陽氣脫陷也劑用溫補反嘔不食仍用前藥作大劑加附子薑桂又不應遂以參芪各一觔歸朮陳皮各干觔附子一兩煎服三日而盡流涎頓止腐肉頓潰飲食頓進再用薑桂等藥托裏健脾腐脫而瘡愈矣○少叅史南湖之內夏患疽不起發脈大而無力發熱作渴自汗盜汗用參芪大補之劑益加手足逆冷大便不實喘促時嘔脈細微按之如無惟太衝不絕仍以參芪白朮當歸茯苓陳皮

身長全書  
計勛許加附子五錢水煎二鐘作一服諸證悉退脉息頓復  
翼日瘡起而潰仍用前藥四劑後日用托裏藥調理兩月餘  
而愈薛按

一婦人於癸卯冬失物發怒缺益內微腫甲辰春大如覆碗左  
肩脾亦腫肉色如故或針出鮮血三碗許腹痛如錐泄瀉不  
止四肢逆冷嘔吐惡寒或時發熱絕食已七日矣其脉洪大  
時或微細此陽氣脫陷也用六君加炮薑三錢附子二錢早  
服至午不應再劑加附子五錢熟睡覺來諸證頓退六七可  
進稀粥再四劑諸證悉退飲食如故缺益始痛針出清膿二  
碗許諸證復至此虛極也以十全大補加薑桂附各一錢三  
劑而安後減薑附各五分與歸脾湯兼服五十餘劑而愈按

溫補按則十九

京都鄭中翰仲夏患發背已半月瘡頭十餘枚皆如粟許漫腫

堅硬根如大盤背重如負石卽隔蒜灸五十餘壯其背頓輕  
彼因輕愈不守禁忌三日後大作瘡不起發但苦作痛用活  
命飲四劑勢少退用香砂六君子湯四劑飲食少進彼恃知  
醫自用敗毒藥二劑飲食益少口流涎沫若不自知此脾虛  
之甚也每用托裏藥加參芪各三錢彼密自揀去大半後雖  
用大補藥加薑桂亦不應遂令其以參芪各一觔歸朮各  
半觔乾薑桂附各一兩煎膏一罐三日飲盡涎頓止腐頓潰  
食頓進再用托裏健脾藥腐肉自脫而愈下俱詳安

張侍御患背瘡三枚皆如粟彼以爲小毒服清熱化痰藥外用  
涼藥敷貼數日尚不起色黯不炊胸中氣不得出入勢甚可  
畏連用活命飲二劑氣雖利膿清稀瘡不起欲用補劑彼沈  
於素有痰火不受參朮之補因其固執遂陽以敗毒之劑與  
視之而陰以參芪歸朮各五錢薑桂各二錢服二劑背覺熱



腐肉得潰方信余言始明用大脾藥乃愈

南都聶姓者時六月患發背腐肉已去瘡口尺許色赤焮腫發

熱不食欲嘔不嘔服十宣散等藥自為不起請余決之其脉

輕診則浮而數重診則弱而濡此潰後之正脉然瘡口開張

血氣虛也欲嘔不嘔脾胃虛也色赤焮腫虛火之象也尚可

治遂與十全大補湯加酒炒黃栢知母五味麥門及飲童便

飲食頓進肌肉頓生服至八劑瘡口收如粟許又惑於人言

謂餘毒未盡乃服消毒藥二劑復發熱昏瞶急進前藥又二

十餘劑乃愈後兩月因作善事一晝夜不睡以致勞倦發熱

似睡不睡與前湯二劑更加發熱飲食不進惟飲熱湯後以

前藥加附子一錢二劑復愈

高秋官貞甫孟秋發背色黯而硬不痛不起脉沉而細四肢逆

冷急用大艾隔蒜灸三千餘壯不痛遂用艾如粟大者著肉

灸七壯乃始知痛與六君子湯二劑每劑入附子二錢不瘥  
後劑又加肉桂二錢始應而愈

一男子脇腫一塊日久不潰按之微痛脉微而瀯此形證俱虛  
也經曰形氣不足病氣不足當補不當瀉予以人參養營湯  
治之彼不信乃服流氣飲虛證悉至方服前湯月餘少愈但  
腫處尚硬以艾葉炒熱熨患處至十餘日膿成以火針刺之  
更灸以豆鼓餅又服十全大補湯再劑而愈

疔痛二十

齊氏曰瘡疽之證候不同凡寒熱虛實皆能為痛故止痛之法  
殊非一端世人皆謂殺伐珍貴之藥可住疼痛而不知臨病  
制宜自有方法蓋熱毒之痛者以寒涼之藥折其熱而痛自  
止也寒邪之痛以溫熱之劑熨其寒則痛自除也因風而痛  
者除其風因濕而痛者導其濕燥而痛者潤之塞而痛者通

之虛而痛者補之實而痛者瀉之因膿鬱而閉者開之惡肉  
侵潰者去之陰陽不和者調之經絡秘澁者利之臨機應變  
方爲上醫不可執方而無權也

立齋曰瘡瘍之作由六淫七情所傷其痛也 因氣血凝滯所致  
假如熱毒在內便秘而作痛者內疎黃連湯導之熱毒熾盛  
焮腫而作痛者黃連解毒湯治之不應仙方活命飲解之瘀  
血凝滯而作痛者乳香定痛丸和之作膿而痛者托裏消毒  
散排之膿脹而痛者針之膿潰而痛者補之若因氣虛而痛  
四君加歸芪血虛而痛四物加參芪腎虛而痛六味地黃丸  
口乾作渴小便頻數者加減八味丸此皆止痛之法也慎勿  
槩用寒涼之藥况血氣喜溫而惡寒若冷氣入裏血卽凝滯  
反爲難瘥之證矣丹溪云膿出而反痛此爲虛也宜補之穢  
氣所觸者和解之風寒所逼者溫散之若專用龍竭生肌乳

沒止痛吾知其必無效也

凡癰毒焮腫赤痛之甚者雖內治之法已具加然煎劑功緩而痛急難當者必須外用敷藥既欲其止痛欲其散毒則無如降癰散之神妙也

生肌收口附成漏證二十一

陳良甫曰癰疽之毒有淺深故收斂之功有遲速斷不可早用收口之藥恐毒氣未盡後必復發爲患匪輕若癰久不合其肉白而膿少者此氣血俱虛不能潮運而瘡口冷澁也每日用艾葉一把煎湯避風熱洗及燒松香燻薰之或用猪蹄湯洗之更以神異膏貼之吾須以禁調理否則不效○又曰脉得寒則下陷凝滯肌肉故曰出連肉膜是爲冷漏須溫補之丹溪曰諸經惟少陽厥陰之生癰者宜須防之以其多氣少血也血少則肌肉難長故瘡久未合必成敗證苟反用驅利毒

藥以伐其哉分之血禍不旋踵矣

立齋曰肌肉者脾胃之所主收斂者血氣之所使但當純補脾胃不宜泛敷生肌之劑夫瘡不生肌而色赤甚者血熱也四物加山梔連翹色白而無神者氣虛也四君加當歸黃芪補熱內熱陰血虛也四物加參朮膿水清稀者氣血虛也十全大補湯食少體倦脾氣虛也補中益氣湯煩熱作渴飲食如常胃火也竹葉黃芪湯不應竹葉石膏湯熱渴而小便頻數腎水虛也用加減八味丸料煎服若敗肉去後新肉微赤四沿白膜者此胃中生氣也相用四君子湯以培補之則不日自斂若妄用生肌之藥餘毒未盡而反益甚耳殊不知瘡瘍之作由胃氣不調瘡瘍之潰由胃氣腐化瘡瘍之斂由胃氣榮養○東垣云胃乃發生之源爲人生之本丹溪亦謂治瘡瘍當助胃壯氣使根本堅固誠哉是言也可不慎歟○又曰

若肌肉傷而瘡口不斂用六君子湯以補脾胃若氣虛惡寒而瘡口不斂用補中益氣湯以補脾肺若血虛發熱而瘡口不斂用四物參朮以滋肝脾若膿多而瘡口不斂用八珍湯或十全大補湯以養血氣如不應但用四君歸芪以補脾胃更不應乃屬命門火衰急用八味丸以壯火生土若脈數發渴者難治以真氣虛而邪氣實也○又曰生肌之法當元理脾胃助氣血為主若氣血俱虛不能生者當用托裏之劑若有風寒襲於瘡所不能生者宜用豆豉餅灸之若流注頑瘡內有膿管或癰肉或癰核須用針頭散腐之錠子尤妙如背瘡杖瘡湯火瘡大潰當用神效當歸膏則能去腐生新止痛大有神效○又曰癰疽潰後毒盡則肉自生常見世之治者往往用龍骨血竭之屬以求生肌殊不知餘毒未盡肌肉何以得生氣血既虛龍竭豈能得效設若膿毒未盡就用生肌

則反增潰爛壯者輕者不過後潰或遲斂而已怯者重者必致內攻或潰爛不斂反致危矣○又曰凡瘡瘍成漏皆因元氣不足營氣不從陽氣虛寒則寒氣逆於肉裏稽留血脈腐潰既久卽成是患故凡治不足之證於其初患便當內用參芪歸朮溫補脾胃外用桑枝葱熨接補陽氣使自消散若人而不能成膿亦用前二法補助以速之若膿既成而不潰里艾於當頭灸數炷而出之却服十全大補湯患者又當真起居節飲食庶幾收斂若用冷針開刺久而內出清膿外色黑黯或誤用生肌散速其口斂反束其邪必成敗證

諸

瘡患久成漏常有膿水不絕其膿不臭若無皮肉者法用炮附子去皮尖爲細末以唾津和爲餅如三錢厚安瘡上以艾炷灸之漏大艾亦大漏小艾亦小但灸令微熱不可令痛乾則易之每斂一二十壯不論灸後貼以膏藥隔二三日又如

前再灸更服大補氣血之藥直至肉平爲度或用炮附子切片三分厚灸之亦可或用江西淡豆豉爲餅多灸之亦效○若瘡入成漏外有腐肉內有膿管不能收口者以釘頭散和作細條縫入口內外用膏藥貼之待膿管盡去自然漸平收口或先用灸法數日後用此縫藥亦可仍內服十全大補等

藥

郭氏灸法瘡疽久不收斂及有膿水惡物漸潰根深者用白麩硫黃大蒜三物一處搗爛看瘡大小捻作餅子厚約三分安於瘡上用艾炷灸二十一壯一灸一易後隔四日用藥錠針頭散等藥縫入瘡內及肉盡去好肉長平然後貼收斂之藥內服應病之劑調理卽瘥矣

男子年踰二十稟弱左腿外側患毒三月方潰膿水清稀肌肉不生以十全大補湯加牛膝二十餘劑漸愈更以豆豉餅



灸之月餘而痊○一婦人左臂結核年餘方潰膿清不斂一  
男子忠賊骨癰腿細短軟瘡日不合俱用十全大補湯外以  
附子餅及貼補藥膏調護得宜百劑而愈大凡不足之證宜  
大補之劑兼灸以補接氣祛散寒邪爲上○京師董賜年  
踰四十胸患瘡成漏日出膿碗許喜飲食如常以十全大補  
湯加貝母遠志白欵續斷灸以附子餅膿漸少讚調護歲餘  
而愈薛按

用香散藥二十二

伍氏曰氣血聞香則行聞臭則逆大抵瘡瘍多因營氣不從逆  
於肉理故鬱聚爲膿得香散藥則氣流行故當多服五香連  
甚若毒氣入胃則爲咳逆古人用此可謂有理且如飲食調  
翹湯萬金散清心內固全粉散凡瘡本腥穢又聞臭觸則愈  
香美則益脾土養真元保其無虞矣

立齋曰今人有瘡瘍不審元氣虛實病之表裏病者多喜內消而醫者卽用十宣散及敗毒散流氣飲之類殊不知十宣散雖有參芪然防風白芷厚朴桔梗皆足以耗氣况不分經絡時令氣血多少而槩用之乎敗毒散乃發表之藥果有表證亦止宜一二服多則元氣反損其毒愈盛雖有人參莫能補也况非表證而用之乎流氣飲乃耗血之劑果氣結隔滯亦止宜二三服多則血氣愈傷夫血氣凝滯多因榮衛氣弱不能運行豈可復用流氣飲以益其虛况諸經氣血多寡不日而流氣飲通行十二經則諸經皆爲所損反爲敗證雖有芎歸亦難倚伏若服之過度則氣虛血耗何以成膿苟不察其由而泛投尅伐之劑能無危乎此三藥者其不可輕用亦明矣河間云凡瘡止於一經或兼二經者止當求責其經不可干擾餘經也

槐花酒 二十三

槐花治濕退熱之功最爲神速大抵腫毒非用蒜灸及槐花酒先去其勢雖用托裏諸藥其效未必甚速惟胃寒之人不可過用

滁州于侍御餽鄆患毒痛甚服消毒藥其勢未減卽以槐花酒一服勢隨大退再以托裏消毒之藥而愈○王通府患發背十餘日勢危脉大先以槐花酒二服殺退其勢更以敗毒散二劑再以托裏藥數劑漸潰又用桑柴灸患處每日灸良久仍以膏藥貼之灸至數次膿遺腐脫以托裏藥加白朮陳皮月餘而愈○劉大尹發背六七日潰背腫痛勢甚危與隔蒜灸百壯飲槐花酒二碗卽睡覺以托裏消毒藥十去五六合以桑枝灸患處而潰數日而愈○一上舍肩患疽脉數以槐花酒一服勢頓退再與金銀花黃芪甘草十餘服而平

忍冬酒 二十四

忍冬酒治癰疽發背初發時便當服此不問疔發何處或婦人乳癰皆有奇效如或處鄉落貧家服此亦便且效仍兼以麥飯石膏及神異膏貼之甚效

一園丁患發背甚危合取金銀藤五六兩搗爛入熱酒一鐘絞取酒汁溫服粗糲患處四五服而平彼用此藥治瘡足以養身成家遂棄閼業諸書云金銀花治瘡瘍未成者卽散已成者卽潰有回生之功○一男子患腦癰其頭數多痛不可忍先服消毒藥不應更以忍冬酒服之卽醒睡覺而勢去六七再四劑而消○又一男子所患左甚亦令服之腫痛頓退供不能平加以黃芪當歸瓜蒌仁白芷甘草節桔梗數劑而愈○一男子被鬼擊身有青痕作痛以金銀花煎湯飲之卽愈本草謂此藥大治五種飛尸此其驗也

腫瘍 二十五

立齋曰腫高焮痛脈浮者邪在表也且托之○腫硬痛深脈沉者邪在裏也宜下之○外無焮腫內則便利調和者邪在經絡也當調營衛○焮腫煩躁或咽乾作渴者宜降火○焮腫發熱或拘急或頭痛者邪在表也宜散之○大痛或不痛者邪氣實也隔蒜灸之更用解毒○煩躁飲冷焮痛脈數者邪在上也宜清之○惡寒而不潰者氣虛兼寒邪也宜宜而補之○焮痛發熱汗多口渴便結譫語者結陽證也宜下之○不作膿或熱而不潰者虛也宜補之○又曰大抵癰腫之證不可專泥于火爲患况稟有虛實及老弱不同豈可槩用寒涼之藥設若毒始聚勢不盛者庶可消散尤當推其病因別其虛實若槩用涼藥必致誤事如膿將成邪盛氣實者用消毒之劑先殺其毒雖作膿不爲大苦潰亦不甚若就川托裏

必益其勢如膿將成不成及不潰者方用托裏膿成勢盛者  
針之膿一出諸證悉退矣

丹溪曰腫瘍內外皆壅宜以托裏表散爲主如欲用大黃寧無  
孟浪之非潰瘍內外皆虛宜以補接爲主如欲用香散未免  
虛虛之火

愚意前論腫瘍有云忌補宜下者有云禁用大黃者此其爲說  
若異而亦以證有不同耳蓋忌補者忌邪之實也畏攻者畏  
氣之虛也卽如腫瘍多實潰瘍多虛此其常也然腫瘍亦多  
不足則有宜補不宜瀉者潰瘍亦或有餘則有宜瀉不宜補  
者此其變也或宜補或宜瀉總在虛實二字然虛實二字最  
多疑似貴有定見如火盛者宜清者也氣滯者宜行者也既  
熱且壅宜下者也無滯無壅則不宜妄用攻下此用攻之宜  
禁者也至若用補之法亦但察此二者凡氣遺壅滯者不宜

補火邪熾盛者不宜溫若氣道無滯火邪不甚或飲食二便  
清利如常而患有危險可畏者此雖未見虛證或腫瘍未潰  
亦宜卽從托補何也蓋恐困苦日久無損自虛若能預固元  
氣則毒必易化膿必易潰口必易斂卽大瘻大潰猶可望生  
若必待虛證叠出或旣潰不能收斂而後勉力支持則輕者  
必重重者必危能無晚乎此腫瘍之有不足也所係非細不  
可不察○向予長男生在癸丑及乙卯五月甫及二週而患  
背疽初起時背脊中忽見微腫數日後按之則根深漸濶其大  
如碗而皮色不變亦不甚痛至十餘日身有微熱其勢滋甚  
因謀之瘍醫或云背疽或云痰氣感曰帶腥溫補一毫不可  
入口乃投以解毒之藥一劑而身反大熱神氣愈困飲食不  
進矣予危懼之甚因思丹溪有云癰疽因積毒在臟腑當先  
助胃氣爲主使根本堅固而以行經活血佐之又曰但見腫

痛叅之脈證虛弱便與滋補氣血無虧可保終吉是誠確論也。因却前醫而專固元氣以內托其毒遂用人參三錢製附子一錢佐以當歸熟地炙甘草肉桂之屬一劑而飲食頓進再劑而神彩如舊抑何神也由是弛其口腹藥食益進十劑而膿成以其根深皮厚復用針出膿甚多調理月餘而愈向使傾信庸流絕忌溫補滋味專意解毒則胃氣日竭毒氣日陷飲食不進倘致透隔內潰則萬萬不保矣且此而素無虛病何敢乃爾蓋以其既屬陰證又無實邪見有確真故敢峻補脾腎方保萬全嗚呼醫之關係皆是類也因錄此按用告將來以見腫瘍潰瘍凡虛證未見而但無實熱壅滯可據者便宜托補如此則其受益于不識不知有非可以言語形容者

新按

腫瘍不足

二十六



汪太夫人年逾八十腦疽已潰發背繼生頭如粟米脈大無力  
此膀胱經溼熱所致然脈大無力乃血氣衰也遂以托裏消  
毒散數服稍可更加參芪之劑雖瘡起而作渴此氣血虛甚  
以人參黃芪各一兩當歸熟地各五錢麥冬五味各一錢數  
服渴止而愈此不有臟腑能言氣血能告豈能省悟病者至  
死皆歸於命深可哀也○又有患者氣質素實或有痰不服  
補劑然不知膿血內潰氣血並虛豈不宜補余常治瘡陰用  
參芪大補之劑陽書敗毒之名與服之俱不中滿瘡亦隨效  
虛甚者尙加薑桂甚至附子未嘗有不效也薛按

潰瘍二十七

立齋口膿熟不潰者陽氣虛也宜補之○瘀血不腐者宜大補  
陽氣更以桑木灸之○膿清或不斂者氣血俱虛宜大補○  
膿後食少無睡或發熱者虛也宜補之○卷怠懶言食少不

睡者虛也宜補之○寒氣襲於瘡口不能收斂或陷下不  
者溫補之○脉大無力或微濇者氣血俱虛也峻補之○山  
血或膿多煩躁不眠者乃亡陽也急補之○凡膿潰而清或  
瘡口不合或聚腫不赤肌寒肉冷自汗色脫者皆氣血俱虛  
也非補不可○凡膿血去多瘡口雖合尤當補益務使氣血  
平復否則更患他證必難治癒也○又曰大抵膿血大泄當  
大補血氣爲先雖有他證以未治之凡癰疽大潰發熱惡寒  
皆屬氣血虛甚若左手脉不足者補血藥當多於補氣藥右  
手脉不足者補氣藥當多於補血藥切不可發表○大凡癰  
疽全藉血氣爲主若患而不起或潰而不腐或不收斂及膿  
少或清皆血氣之虛也俱宜大補之最忌攻伐之劑亦有膿  
反多者乃氣血虛而不能禁止也常見氣血克實之人患瘡  
者必腫高色赤易腐潰而膿且稠又易於收斂怯弱之人多

不起發不腐潰及難於收斂若不審察而妄投攻劑虛虛之禍不免矣及患後更當調養若燥癯流注之屬尤當補益也否則更患他證必難措治慎之○又曰潰瘍若屬氣血俱虛固所當補若患腫瘍而氣血虛弱者尤宜預補否則雖潰而不斂矣又凡大病之後氣血未復多致再發若不調補必變爲他證而危或誤以瘡毒復發及行攻伐則速其不起深可爲戒也○又曰若瘡瘍腫焮痛甚煩躁脉大則辛熱之劑不但腫瘍不可用卽潰瘍亦不可用也

太平聖惠方云凡癰疽膿潰之後脉微澁遲緩者邪氣去而真氣將復也爲易愈若脉來沉細而直者裏虛而欲變證也若膿血旣去則當脉靜身涼腫消痛息如傷寒表證之得汗也若反發熱作渴脉洪數者此真氣虛而邪氣實也宛無疑矣潰瘍有餘二十八

潰瘍有餘之證其辨有四蓋一以元氣本強火邪本盛雖膿潰之後而內熱猶未盡除或大便堅實而能食脈滑者此其形氣病氣俱有餘仍宜清利不宜溫補火退自愈亦善證也一以真陰內虧水不制火膿既泄而熱反甚脈又燥者欲清之則正氣以虛欲補之則邪氣愈甚此正不勝邪窮敗之證不可治也一以毒深而潰淺者其肌腠之膿已潰而根盤之毒未動此乃假頭非真潰也不得遽認爲潰瘍而槩施托補若誤用之則反增其害當詳辨也又有一種元氣以虛極似宜補然其稟質滯濁肌肉堅厚色黑而氣道多壅者畧施培補反加滯悶若此輩者真虛既不可補假實又不可攻最難調理極易招怨是亦不治之證也總之潰瘍有餘者十之一二故潰瘍宜清者少腫瘍不足者十常四五故腫瘍宜補者多此亦以癰疽之危險有關生死者爲言故貴防其未然也至

若經絡浮淺之毒不過腫則必潰潰則必收又何必卷卷以補瀉爲辨也觀者審之

男子年逾三十腹患癰腫脈數喜冷齊氏云瘡瘍腫起堅硬瘡疽之實也河間云腫硬煩悶煩躁飲冷邪氣在內也遂用清涼飲倍加大黃三劑稍緩次以四物湯加芩連山梔木通四劑遂潰更以十宣散去參芪肉桂加金銀花天花粉漸愈彼欲速效白服溫補藥遂致肚腹俱腫小便不利仍以清涼飲治之膿潰數碗再以托裏藥而愈○趙宜人年逾七旬患贅疽已潰焮腫甚痛喜冷脈實大便秘澀東垣曰煩躁飲冷身熱脈大精神昏悶者皆臟腑之實也遂以清涼飲一劑腫痛悉退更以托裏消毒藥三十餘劑而平若謂年高潰後投以補劑實實之禍不免矣薛按

立齋曰膿出而反痛者虛也宜補之○脉數虛而痛者屬虛火  
宜滋陰○脉數實而痛者邪氣實也宜泄之○脉實便秘而  
痛者邪在內也宜下之○脉澹而痛者氣血虛寒也溫補之  
○大抵瘡之始作也先發為腫氣血鬱積蒸肉為膿故多痛  
膿潰之後腫退肌寬痛必漸減若反痛者乃虛也宜補之亦  
有穢氣所觸者宜和解之風寒所逼者宜溫散之

予蘭年二十餘股內患毒日久欲求內消診其脉滑數知膿已  
成因氣血虛不潰遂刺之膿出作痛以八珍湯治之少可但  
膿水清稀更以十全大補湯加炮附子五分數劑漸愈仍服  
十全大補湯三十餘劑而痊○一僧股內患腫一塊不痛不  
潰治以托藥二十餘劑膿成刺之作痛予謂腫而不潰潰而  
反痛此氣血虛甚也宜峻補之彼云氣無補法予謂正氣不  
足不可不補補之則氣化而痛邪自除遂以參芪歸朮熟地

黃治之兩月餘而平 薛按

潰瘍發熱附惡寒三十

用手模熱有三法以輕手捫之則熱重按之則不熱是熱在皮毛血脉也重按之至筋骨之分則熱蒸手極甚輕手則不熱是邪在筋骨之間也不輕不重按之而熱是熱在筋骨之上皮毛血脉之下乃熱在肌肉也

仲景曰脉虛則血虛血虛生寒陽氣不足也○寸口脉微爲陽不足陰氣上入陽中則洒淅惡寒尺脉弱爲陰不足陽氣下陷入陰中則發熱也

王氏曰病熱而脉數按之不鼓動乃寒盛格陽而致之非熱也形證似寒按之而脉氣鼓擊於指下盛者此爲熱甚拒陰而生病非寒也

東垣曰發熱惡熱大渴不止煩躁肌熱不欲近衣或目痛鼻乾

但脉洪大按之無力者非白虎湯證也此血虛發躁當以當歸補血湯主之又有火鬱而熱之證如不能食而熱自汗氣短者虛也當以甘寒之劑瀉熱補氣如能食而熱口舌乾燥大便難者當以辛苦大寒之劑下之以瀉火保水○又曰晝則發熱夜則安靜是陽氣自旺於陽分也晝則安靜夜則發熱煩躁是陽氣下陷入陰中也名曰熱入血室晝夜發熱煩躁是重陽無陰也當亟瀉其陽峻補其陰

立齋曰脉浮或弱而熱或惡寒者陽氣虛也宜補氣○脉瀯而熱者血虛也宜補血○脉浮數發熱而痛者邪在表也宜散之○脉沉數發熱而痛者邪在裏也當下之○午前熱者補血爲主○午後熱者補氣爲主○左手脉小於右手而熱者用血藥多於氣藥○右手脉小於左手而熱者用氣藥多於血藥



發熱煩躁 三十一

王太僕曰大寒而甚熱之不熱是無火也當治其心大熱而甚寒之不寒是無水也熱動復止條忽往來時動時止是無水也當補其腎故心盛則生熱腎盛則生寒腎虛則寒動於中心虛則熱收於內又熱不勝寒是無火也寒不勝熱是無水也夫寒之不寒責其無水熱之不熱責其無火熱之不久責心之虛寒之不久責腎之弱治者當深味之

上齋曰瘡瘍發熱煩躁或出血過多或膿潰大泄或汗多亡陽或下多亡陰以致陰血耗散陽無所依浮散於肌表之間而非火也○若發熱無寐者血虛也用聖愈湯兼汗不止氣虛也急用獨參湯○發熱煩躁肉爛筋惕血氣俱虛也用八珍湯○大渴而赤脉洪大而虛陰虛發熱也用當歸補血湯○肢體微熱煩躁而赤脉沉而微陰盛發躁也用四君加薑附

作嘔三十一

立齋曰喜執惡寒而嘔者宜溫養胃氣○脈細腸鳴腹痛滑瀉而嘔者宜托裏溫中○喜寒惡熱而嘔者宜降火○脈實便秘而嘔者宜瀉火○若不詳究其源而妄用攻毒之藥則腫者不能潰潰者不能斂矣雖丹溪曰腫瘍時嘔當作毒氣攻心治之潰瘍時嘔當作陰虛補之殊不知此大槩之言耳况今之熱毒內攻而嘔者十纔一二脾胃虛寒或痰氣而嘔者十居八九故不可執以爲言也○又曰凡癰瘍腫毒痛甚煩躁脈實而嘔者爲有餘當下之若腫硬不潰脈弱而嘔者乃陽氣虛弱當補之若嘔吐少食者乃胃氣虛寒當溫補脾胃若痛傷胃氣或感寒邪穢氣而嘔者雖在腫瘍當助胃壯氣若妄用攻伐多致變證不治

薛氏樞要曰瘡瘍作嘔不可泥於熱毒內攻而槩用敗毒等藥

○如熱甚焮痛邪氣實也仙方活命飲解之○作膿焮痛胃  
氣虛也托裏消毒散補之○膿熟脹痛氣血虛也先用托裏  
散後用針以泄之○焮痛便秘熱壅於內也內疎黃連湯導  
之○若因寒藥傷胃而嘔者托裏健中湯○胃寒少食而嘔  
者托裏益中湯○中虛寒滯而嘔者托裏溫中湯○肝木乘  
脾而嘔者托裏抑清湯○胃脘停痰而嘔者托裏清中湯○  
脾虛自病而嘔者托裏益黃湯○鬱結傷脾而嘔者托裏越  
鞠湯○又曰大凡諸瘡作嘔若欲冷便秘是熱毒也黃連消  
毒散解之○欲冷便實是胃火也竹葉石膏湯清之○懶食  
飲湯是謂虛也補中益氣湯補之○大便不實喜飲熱湯是  
脾胃虛寒也六君加炮薑以溫之○常見脾胃虛弱者用前  
散及心膈陰冷致嘔而喉舌生瘡乃腎水枯涸虛火炎上也  
其證甚惡急用加減八味丸亦有得生者

熱毒作嘔證如劉貴患腹癰焮痛煩躁脉實作嘔河間云瘡瘍者火之屬須分內外以治其本若脉沉實者先當踈其內以絕其原又曰嘔噦心煩脉沉而實腫硬煩悶或皮肉不變邪氣在內宜用內踈黃連湯治之然作嘔脉實毒在內也遂以前湯通利二三行諸證悉去更以連翹消毒散而愈○金臺王時享年踰四十患臂毒焮痛作嘔服托裏消毒藥愈甚予用涼膈散二劑頓退更以四物湯加芩連四劑而消薛按胃藥作嘔證如顧浩室人年踰四十患發背治以托裏藥而潰忽嘔而瘡痛胃脉弦緊彼以爲餘毒內攻東垣云嘔吐無時手足厥冷臟腑之虛也丹溪云潰後發嘔不食者濕氣侵于內也又云膿出而反痛此爲虛也今胃脉弦緊木乘土位其虛明矣予欲以六君子湯加酒炒芍藥砂仁藿香治之彼自展護心散嘔愈甚復邀始仍用前藥更以補氣血藥兩月而

愈○大抵濕氣內侵或感穢氣而作嘔者必喜溫而脈弱熱  
毒內攻而作嘔者必喜涼而脈數必須辨認明白亦有大便  
不實或腹痛或膨脹或嘔吐或吞酸噯腐此皆腸胃虛寒也  
以理中湯治之如不應加熟附子二三片○予嘗飲食少思  
吞酸噯腐諸藥不應惟服理中湯及附子理中丸有效蓋此  
證皆因中氣虛寒不能運化鬱滯所致故用溫補之劑使中  
氣溫和自無此證矣○張生患漆瘡作嘔由中氣虛弱漆毒  
侵之予以六君子湯加砂仁霍香酒炒芍藥治之彼不信另  
服連翹消毒散嘔果甚復邀治仍以前藥外用麻油調鐵銹  
末塗之而愈 薛按

戴氏曰如惡心者無聲無物欲吐不吐欲嘔不嘔雖曰惡心寔  
非心經之病皆在胃口上宜用生薑蓋能開胃豁痰也

名元禮  
商院使

李氏曰人病疽多有愈後發渴而不救者十有八九或先渴而後患疽者尤爲難治急用加減八味丸可免前患若疽安而渴者服此丸則渴止疽安而未渴者預服此丸則永不生渴或未發疽而先發渴者服此不惟渴止且疽亦不作氣血加壯真神劑也○又曰靡疽已安之後或未安之際口舌燥黃如雞內金者乃腎水枯渴心火上炎此證最惡古人云玉華池竭七廟亡若誤投以丹藥則禍在反掌急用加減八味丸桑枝煎五味子湯以滋補之○又云一貴人病疽未安而渴作一日飲水數升予以加減八味丸治之諸醫大笑云此能止渴我輩當不復業醫皆用木瓜紫蘇烏梅人參茯苓百藥煎等劑服多而渴愈甚不得已用此藥三日渴止久服遂不服渴飲食加倍健於少壯蓋此藥非出鄙見自爲兒時聞先

君言有人病渴用渴藥累年不愈一名醫使服此藥降心火

生腎水為最家藏此方親用嘗驗患者當知所鑒詳外科精要

馬益卿曰癰疽作渴乃氣血兩虛宜用參芪以補氣當歸地黃

以養血或用黃芪六一湯或用忍冬丸其方以忍冬藤入瓶

內加無灰酒微火煨一宿取出晒乾少加甘草俱為末仍用

餘酒調糊為丸桐子大每服百餘丸溫酒下兼治五痔諸瘻

氣

立齋曰尺脉大或無力而渴者宜滋陰降火○上部脉沉實而

渴者宜瀉火○上部脉洪數而渴者宜降火○胃脉數而渴

者宜清胃火○氣虛不能生津液而渴者宜補中氣○脉大

無力或微弱而渴者宜補氣血○膿血大泄或瘡口出血而

渴者宜大補氣血如不應急用獨參湯

薛氏樞要曰瘡瘍作渴若焮腫發熱便利調和者上焦熱也用

竹葉石膏湯○腫痛發熱大便秘澀者內臟熱也用四順清涼飲○燉腫痛甚者熱毒蘊結也用仙方活命飲○漫腫微痛者氣血虛壅也用補中益氣湯○若胃火消燦而津液短少者用竹葉黃芪湯○若胃氣虛弱不生津液者用補中益氣湯○若胃氣受傷內無津液者用七味白朮散○若腎水乾涸作渴或口舌乾燥者用加減八味丸○或先口乾作渴小便頻數而後患疽或疽愈後作渴飲水或舌黃乾硬小便數而疽生者尤其惡也苟能逆知其因預服加減八味丸補中益氣湯以滋化源可免是患○心法曰予治瘡瘍作渴不問腫潰但脈數發熱而渴以竹葉黃芪湯治之○脈不數不發熱或脈數無力而渴或口乾以補中益氣湯○若脈數而便秘以清涼飲○若尺脈洪大按之無力而渴以加減八味丸若治口燥舌黃飲水不歇此丸尤效



瀉痢三十四

立齋曰瘡瘍大便泄瀉或因寒涼尅伐脾氣虧損或因脾氣虛弱食不尅化或因脾虛下陷不能升舉或因命門火衰不能生土或因腎經虛弱不能禁止或因脾腎虛寒不能司職所主之法若寒涼傷脾六君加木香砂仁送二神丸○脾虛下陷用補中益氣送二神丸○命門火衰用八味丸料送四神丸○腎虛不禁用萸附湯加吳茱萸五味○脾腎虛寒用參附湯送四神丸○病機云脉沉而細身不動作睛不瞭瞭飲食不下鼻準氣息者萸附湯主之身重四肢不舉者參附湯主之○仲景云下痢腸鳴當溫之脉澀緊痛未止當溫之大孔痛當溫之心痛當救裏可與理中附子四逆輩○精要云癰疽嘔瀉腎脉虛者不治凡此難治之證如按前法治之多有可生者

御醫王彭峯之內年踰四十背疽不起發泄瀉作嘔食少厥逆  
脉息如無屬陽氣虛寒用大補劑加附子薑桂不應再加附  
子二劑瀉愈甚更以大附子薑桂各三錢參芪歸朮各五錢  
作一劑腸內始熱嘔瀉乃止手足漸溫脉息遂復更用大補  
而潰再用托裏而斂十年後仍患脾胃虛寒而歿薛按

大便秘結三十五

立齋曰瘡瘍大便秘結若作渴飲冷其脉洪數而有力者屬實  
火宜用內疎黃連湯○若口乾飲湯其脉浮大而無力者屬  
氣虛宜用八珍湯○若腸胃氣虛血燥而不通者宜用十全  
大補湯培養之○若瘡證屬陽或因入房傷腎而不通者宜  
用前湯加薑附回陽多有得生者○若飲食雖多大便不通  
而肚腹不脹者此內火消燦切不可通之○若肚腹痞脹而  
直腸乾澀不通者宜用猪膽汁導之若誤行疏利復傷元氣

則不能潰歛○經曰腎開竅于二陰臟精於腎津液潤則大便如常若潰瘍有此因氣血虧損腸胃乾涸當大補爲善設若不審虛實而一於疎利者鮮有不誤○若老弱或產後而便難者皆氣血虛也猪膽汁最效甚者多用之更以養血氣藥助之萬不可妄行攻伐

居賓鳥

仲夏患發背黯腫尺餘皆有小頭

如鋪粟狀四日矣此

真氣虛而邪氣實也遂隔蒜灸之服活命飲二劑其邪頓退乃純補其真陰又將生脉散以代茶飲瘡邪大退余因他往三日復視之飲食不人中央肉死大便秘結小便赤濁余曰中央肉死毒氣盛而脾氣虛也大便不通腸虛而不能傳送也小便赤濁脾虛而火下陷也治亦難矣彼始云莫非間斷補藥之過也余曰然乃急用六君子加當歸柴胡升麻飲食漸進大便自通外用烏金膏塗中央三寸許四圍紅腫漸消

中央黑腐漸去乃敷當歸膏用地黃丸與前藥同服將百而愈薛按

小便淋漓不利 三十六

立齋曰瘡瘍小便淋漓頻數或莖中澀者腎經虧損之惡證也宜用加減八味丸以補陰○足脛逆冷者宜用八味丸以補陽○若小便頻而黃者宜用四物湯加參朮麥門五味以滋肺腎○若小便短而少者宜用補中益氣加山藥麥門五味以補脾肺○若熱結膀胱而不利者宜用五淋散以清熱○若脾氣燥熱而不能化者宜用黃芩清肺飲以滋陰○若膀胱陰虛陽無以生者宜用滋腎丸○若膀胱陽虛陰無以化者宜用六味地黃丸腎虛之患多傳此證非滋化丸則不救若用黃柏知母反瀉其陽是速其危也○若老人陰痿思色精氣內敗莖中痛而不利者用加減八味丸加車前子牛膝

不應更加附子多有復生者○若精已竭而復耗之大小便  
中牽痛愈痛則愈便愈便則愈痛以前藥加附子亦有復生  
者○王太僕云無陰則陽無以化無陽則陰無以生當滋其  
化源若專用淡滲復損真陰乃速其危也

發瘕

三十七

立齋曰瘕瘍發瘕因氣血虧損或爲外邪所搏或內虛鬱火所  
致其形則牙關緊急四肢勁強或腰背反張肢體抽搐其有  
汗而不惡寒者曰柔瘕風能散氣故有汗也其無汗而惡寒  
者曰剛瘕寒能滯血故無汗也皆由亡血過多筋無所養故  
傷寒汗下過多與潰瘍產爲多患之乃敗證也若大補氣血  
多有可治者若作風治速其危矣

瘕論法俱詳見雜證謨十二卷瘕證門所當參閱

無寐

三十八

立齋曰 瘡瘍潰後無寐發熱煩躁血虛也 聖愈湯○自汗不止  
無寐氣虛也 四君加黃芪五味子○發熱煩躁肉瞶筋惕氣  
血虛也 八珍湯○大渴面赤脉洪大而浮陰虛發熱也 當歸  
補血湯○肢體微熱煩躁面赤脉沉微陰盛發躁也 四君加  
薑附

瘡瘍出血三十九

立齋曰 瘡瘍出血因五臟之氣虧損虛火動而錯經妄行也 當  
求其經審其因而治之○若肝熱而邪妄行者宜四物加炒  
山梔芩朮丹皮○肝虛而不能藏血者六味地黃丸○心虛  
而不能主血者四物加炒黃連丹皮芩朮○脾虛熱而不能  
統血者四君子加炒梔子丹皮○若脾經鬱結用歸脾湯加  
五味子○脾肺氣虛用補中益氣湯加五味子○氣血俱虛  
用十全大補湯○陰火動者用六味丸加五味子○大凡夫

血過多見煩熱發渴等證勿論其脉急用獨參湯以補氣經  
云血生於氣苟非參芪歸木甘溫等劑以生心肝之血決不  
能愈若發熱脉大者不治○凡患血證皆當以犀角地黃湯  
爲主

戒忌調護 四十

李氏云病疽之人當戒酒麪炙燻醃臘生冷油膩雞鵝魚腥之  
類若起居七情尤當深戒務令臥室潔淨馨香使氣血流暢  
仍忌僧道老孀子產婦經婦及雞犬猫畜之類若背疽難於隱  
凡宜用菘苳十斗作一袋隱伏其上以解毒涼心也○又曰  
大凡臟腑已利瘡毒已潰氣血既虛最當調護若發熱而服  
痛藥無不致禍

立齋同菘苳性寒主丹毒煩熱風疹或金石所發實熱煩渴飲  
食如常證屬純陽者極宜用之否則不可輕用也○又曰脣

病全肉乃自棄也瘡瘍之毒發於營氣今反助之與自棄何異雖用藥二治亦不能愈

東垣云胃為五臟之根本胃氣一傷諸證皆虛七惡蜂起可不

慎哉

愚按瘡瘍當忌暈腥然以愚見言之則惟熱火證及疔毒陽癰則毫不可犯宜切慎也至若營衛大虛而毒不能化肉不能長凡宜溫宜補等證豈亦不宜滋補乎故古人號黃芪為全肉則既宜黃芪未有不宜羊肉者惟猪肉牛肉醇酒及傷脾助濕等物則不可不忌

陰陽證變四十一

太監劉闢患發背腫痛色紫診其脉息沉數陳良甫云脉數發熱而痛者發於陽也且瘡瘍赤甚則紫即火極似水也詢之嘗服丹石藥半載乃積溫成熱所致遂以內疎黃連湯再服



稍平更用排膿消毒藥及猪蹄湯太一膏而愈經日色與脈  
當相參應治之者在明亢害承制之理陰陽變化之機焉耳  
○舉人潘光甫年四十患腦疽焮腫診其脈沉靜予謂此陽  
證陰脈斷不起已而果然蓋瘡瘍之證雖屬心火尤當分表  
裏虛實果元氣充實內有實火者寒劑或可責效若寒涼過  
度使胃寒脾弱陽證變陰或結而不潰潰而不斂陰陽垂戾  
水火交爭死無日矣薛按

論列方外禾上

參附湯 補三二

薑附湯 熱三二 外三三

托裏散 外四三

四君子湯 補一

八珍湯 補十九

獨參湯 補二六

六君子湯 補五

四物湯 補八

聖愈湯 補九一

理中湯 熱一

歸脾湯 補三三

六味丸 補二二

回陽湯 外三七

滋腎丸 寒一六三

八味丸 補一二

護心散 外七二

敗毒散 散二六

二神丸 熱一五一

冲和湯 外二四

清涼飲 外九十

四神丸 熱一五二

麻黃湯 散一

流氣飲 外五五

涼膈散 痘八三

五淋丸 寒百十七

清胃散 寒四五

五香湯 未入即 外五一 方

十宣散 痘十四

濟陰湯 外八五

白虎湯 寒二

萬金散 外六七

漏蘆湯 外九五

奪命丹 外七七

蠟礬丸 外七四 七五

忍冬酒 外百二

槐花酒 外百四

遠志酒 外百六

國老膏 外六八

桑枝煎 外百九

製甘草湯 外六八

五味子湯 補五八

神仙截法 外百十

十全大補湯 補二十

仙方活命飲 外一

人參黃芪湯 外二六

補中益氣湯 補三一

托裏消毒散 外二

托裏溫中湯 外十二

托裏健中湯 外十一

托裏清中湯 外十六

托裏益黃湯 外十五

托裏益中湯 外十三

托裏抑青湯 外十七

托裏越鞠湯 外十九

托裏溫經湯 外十四

七味白朮散 小七

丁香柿蒂散 熱六五

黃芪六一湯 補五十

歸補血湯 補四五

加減八味丸 外三八

人參養營湯 補二

人參平肺散 寒三七

人參聖中湯熱一

人參敗毒散散三六

附子埋中湯外三四

竹葉黃芪湯寒七

黃連消毒散外六十

黃連解毒湯寒一

竹葉石膏湯寒五

連翹消毒散外六一

內疎黃連湯外九三

五香連翹湯外五一

四順膏京飲攻二五

黃芩清肺飲寒三八

內固金粉散外七三

犀角地黃湯外四六

乳香定痛丸外五七

犀角升麻湯外四七

香砂六君湯補七

神仙薰照方外二二

附子餅外百十六

豆鼓餅外百十七

桑枝炙外百二十

葱熨法外一二一

隔蒜灸外百十五

騎竹馬法外百十四

鐵頭散外一四四

降癰散新因三六

麥飯石膏外一三九

烏金膏外一四二

陰陽散外一三三

抑陰散外一三一

抑陽散外一三二

猪蹄湯外三二五

浴毒陽預所燻煎之

太乙膏外三百八

富歸膏外二二四

神異膏外三百十